

ՄԱՐԶԻԿ

հսլս

Մարզիկ

مجلة رياضية شهرية
تصدرها جمعية الهومنتمن بيروت

marzig

SPORTS MAGAZINE

ԻԹ. ՏԱՐԻ, 2010, ԹԻԻ 9 (339) - VOL. XXIX N° 9 السنة التاسعة والعشرون - العدد التاسع



Հ.Մ.Ղ.Մ. ՊԱՂՏԱՏ
ՇՐՋԱՆԱՅԻՆ 28-ՐԴ
ՄԱՐԶԱՀԱՆԴԵՍ

مازنيق
مجله رياضية شهرية
تصدرها جمعية الهولستين
marziq
SPORTS MAGAZINE

ԲՈԼՈՐ ԱՌԻԹՆԵՐՈՒ ԼԱԻԱԳՈՅՆ ՆՈՒԷՐԸ



Designed by: Y. Concept

«ՄԱՐԶԻԿ»Ի 12 ԹԻԻՆԵՐՈՒ ԲԱԺԱՆՈՐԴԱԳՐՈՒԹԻՒՆ



ԹԻՒԻՆ ՆԻՒԹԵՐՂ


MARZIG SPORTS MAGAZIN EDITED MONTHLY BY HOMENETMEN
 سارزليک مجلّة رياضية شهريّة تصدّرها جمعية الهومنتمن الرياضي



3

Հ.Մ.Ը.Մ.ԱԿԱՆ ԿԵԱՆՔ

- Խմբագրական 2
- Հարցազրույց 3
- Տպաւորութիւն 11
- Պատմութիւն 14
- Մասնաձիւղէ Մասնաձիւղ 18




33



18

ԲԱԺԻՆՆԵՐ

- Միջազգային 16
- Մանկապատանեկան 38
- Տարբեր Հայեացքով 40



Մարզական ամսաթերթ
 Հրատարակութիւն՝ Հ.Մ.Ը.Մ.ի
 ԿԵԴՐՈՆԱԿԱՆ ՎԱՐՉՈՒԹԵԱՆ

ԻԹ. ՏԱՐԻ, 2010, ԹԻՒ 9 (339)

ԽՄԲԱԳԻՐ
 Կիզէն Աւագեան

ԽՄԲԱԳՐՈՒԹԵԱՆ ԱՆԴԱՍ
 Սեդա Պէշլեան, Սեւան Նազարեան

«ՄԱՐԶԻԿ»-Ի ՅԱՆՁՆԱՆՈՒՄԲ
 Պատրիկ Կիւլպէնկեան
 Աթո Մոսիկեան
 Գօգօ Սկրտիչեան
 Վահան Համամճեան
 Տիրան Շահինեան
 Սալթի Ճէճէեան
 Վահէ Թանաշեան

ԳՐՈՒԹԻՒՆՆԵՐ ՈՒՆԻՆ
 Ներսէս Արք. Բախտիկեան*,
 Գ. Թորոյեան, Րաֆֆի Սիւլահեան,
 Մարթ Բէշիչեան, Շադիկ Գէորգեան
 եւ շրջաններու թղթակիցներ:

Էջադրում - Արշօ Պալեան
 Գրաշարութիւն - Շողիկ Պոյաճեան
 Colour Separation - Photogravure Paklayan
 Կողքի Ձեւաւորում Տպագրութիւն



ԽՄԲԱԳՐՈՒԹԵԱՆ ՀԱՍՑԷ
 Պուրճ Համուտ, Ծինիշեանի Թաղ
 «Սեւան» Շէնք, Գ. Յարկ
 Հեռ: 01/248043, Fax: 01/260117
 E-mail: marzig@homenetmen.org
 P.O. Box: 80486 B. Hammoud, Lebanon

ՑՐԻՈՒՄ

Լիբանանի մէջ թերթին
 հատավաճառի սակն է 3000 Լ.ո.:
 Տարեկան բաժանորդագրութեան սակ
 ձղուած է 35000 Լ.ո.:
 Լիբանանէն դուրս թերթին
 բաժանորդագրութիւնը
 կը կատարեն Հ.Մ.Ը.Մ.ի Սեկուսի
 եւ Շրջանային Վարչութիւնները:
 Թերթը ուղղակի Լիբանանէն
 կը ստացուի անձնական
 բաժանորդագրութեամբ
 (Տարեկան սակ՝ Միջին Արեւելեան
 եւ Եւրոպական երկիրներ \$50,
 Ամերիկա եւ Աւստրալիա՝ \$55):



ԷՆԵԲՆԹՆԵՆԵՆ

ՀԱՄԱՇԽԱՐՀԱՅՆԱՅՈՒՄԸ ԵՒ ԵՐԻՏԱՍԱՐԴՈՒԹՅՈՒՆԸ

(Ե.)

Օ այրագոյն Արեւելքէն մինչեւ Ասիա եւ Եւրոպայէն մինչեւ Ամերիկաներ, այսօր, ականատես կ'ըլլանք միատեսակ, միագոյն, միօրինակ երիտասարդութեան մը ստեղծման: Քոքա-քոլայի սերունդն է այդ, որ յաճախ կարելի չէ զանազանել երկիրէ երկիր իր հագւածքով, նիստ ու կացով, խոհանոցով, մշակոյթով եւ մտայնութեամբ:

Առանձնութեամբ վարակուած սերունդն է ան, որ իրեն համար ստեղծած է նոր կրօնք մը՝ *մեքենապաշտութիւնը*: Ան գերին է համակարգիչին, բջիջային հեռաձայնին, պատկերասփիւռին եւ Էլեկտրոնիկ խաղերուն: Իր անձնական կեանքը չի կրնար պատկերացնել առանց անոնց եւ, հետեւաբար, իր անհատական, ընկերային թէ ազգային նկարագիրով տարբեր է ան իր նախորդներէն:

Այդ սերունդը տարբեր է նաեւ իր հոգերով, որովհետեւ ամէնէն ասելի ան իր մորթին վրայ կը զգայ համաշխարհայնացումի ժխտական հետեւանքները՝ առողջապահական եւ կենսոլորտային հետզհետէ ահագնացող վտանգները, որոնց դիմաց գրեթէ անզօր կը մնայ:

Այս բոլորէն ետք, պէտք է հանել նաեւ յոռետեսութեան ակնոցը եւ խմբագրականներու այս շարքին աւարտը ներկայացնել իրատեսութեան ակնոցով: Անգամ մը եւս ըսելու համար, որ ինչ ալ ըլլան մեր շուրջի պայմանները, կեանքը պիտի շարու-

նակուի եւ քաղաքակրթութիւնը պիտի զարգանայ իրեն յատուկ կշռոյթով: Համաշխարհայնացումը այսօր այդ կշռոյթը ճշդող հզօր շարժումն է, որուն դիմաց կարելի չէ պատնէշ բարձրացնել կամ ճակատ յարդարել: Համաշխարհայնացումը յստակ մարտահրաւեր է իւրաքանչիւր ժողովուրդի՝ իր ինքնութիւնը, դիմագիծը եւ արժէքները շեշտելու: Իսկ ամէնէն ասելի ո՞վ կոչուած է այդ առաքելութեան՝ եթէ ոչ երիտասարդութիւնը:

Այլասերունդ կը սկսի երիտասարդութենէն: Պատմական իրագործումներու խոյանքը եւս ծայր կու տայ երիտասարդութենէն, որ յաւիտենական պայքարող ուժն է՝ ի խնդիր ճշմարիտին, գեղեցիկին եւ բարիին, որովհետեւ բնախօսական իր կազմւածքով երիտասարդներ ուրիշներէն ասելի անշահախնդիր, անձնուէր եւ իտէալապաշտ են:

Պէտք է վստահիլ երիտասարդներու, որովհետեւ անոնք բոլորէն ասելի ձկուն են, խիզախ ու պատրաստակամ, իրենք զիրենք պատշաճեցնելու համար նոր ստեղծուած պայմաններուն եւ միջավայրին: Ու պէտք է մղել զանոնք՝ համաշխարհայնացումէն առնելու այն ինչ որ դրական է ու օգտակար, եւ մերժելու այն ինչ որ ժրխտական է ու անընդունելի:

Պէտք է վստահիլ եւ պէտք է գուրգուրալ երիտասարդութեան, որովհետեւ համաշխարհայնացած այս աշխարհին մէջ, մանուկ, պատանի թէ երիտասարդ այլեւս մեզի պէտք չունին, մե՛նք է որ իրենց պէտք ունինք:

Հ.Մ.Ը.Մ.Ի ԼԻԲԱՆԱՆԻ ՇՐՋԱՆԻ ԱՇԽԱՏԱՆՔՆԵՐՈՒՆ ԱՐԺԵԻՈՐՈՒՄԸ ԿԱՏԱՐԵԼՈՎ՝

ՄԵՆՔ ԱՅՍՕՐ ՍԵՐՄԵՐԸ ԿԸ ՑՁԱՆԵՆՔ, ՈՐՊԷՍՁԻ ՏԱՐԻՆԵՐ ԵՏՔ ԱՆՈՆՑ ՊՏՈՒՂՆԵՐԸ ՔԱՂԵՆՔ

Կ'ԸՍԷ Հ.Մ.Ը.Մ.Ի ԼԻԲԱՆԱՆԻ ՇՐՋԱՆԱՅԻՆ ՎԱՐՉՈՒԹԵԱՆ ԱՏԵՆԱՊԵՏ ԵՂԲ. ՅԱԿՈԲ ՔԷՇԻՇԵԱՆ

Հ.Մ.Ը.Մ.Ի «Հայր Պողոս Արիս» խոտածածկ դաշտի բացման նախօրեակին, Հ.Մ.Ը.Մ.Ի Լիբանանի Շրջանային Վարչութեան քարոզչական յանձնախումբը հարցազրոյց մը ունեցաւ Հ.Մ.Ը.Մ.Ի Լիբանանի Շրջանային Վարչութեան ատենապետ եղբ. Յակոբ Քէշիշեանի հետ:

Հարցազրոյցին առանցքը հանդիսացաւ ընդհանրապէս շրջանին գործունէութիւնը եւ յատկապէս՝ Հ.Մ.Ը.Մ.Ի Լիբանանի ֆուբպոլի խումբերուն վերակազմաւորումը, որ տեղի կ'ունենայ ֆուբպոլի նորաստեղծ դպրոցի աշխատանքներուն ընդմէջէն:

Եղբ. Քէշիշեան յայտնեց, որ Հ.Մ.Ը.Մ.Ի Լիբանանի 40րդ Շրջանային Ներկայացուցչական ժողովէն ընտրուած Շրջանային Վարչութիւնը իր երկամեայ գործունէութեան ծրագիրին մէջ կեդրոնացաւ կազմակերպչական, քարոզչական եւ դաստիարակչական աշխատանքներու աշխուժացման ջանքերուն վրայ:

Շրջանային Վարչութիւնը իր մշակած ծրագիրը յաջողցնելու համար յառաջացուց յանձնախումբեր, որոնց ընդմէջէն արդէն տարի մըն է, որ կարգ մը աշխատանքներ կատարուած են:

Հ.Մ.Ը.Մ.Ի Լիբանանի Շրջանային Վարչութեան կատարած աշխատանքներուն ընդհանուր պատկերին մասին խօսելով, եղբ. Քէշիշեան յայտնեց, որ վարչութիւնը վերակազմեց Հ.Մ.Ը.Մ.Ի ձիւնիի եւ Զահլէի մասնաճիւղերը, որոնք շրջանէ մը ի վեր կազմալոյժ էին:

Զահլէի պարագային ընտրուեցաւ վարչութիւն մը, որ իսկոյն ձեռնարկեց սկստական աշխատանքներու: «Վերջերս, Հ.Մ.Ը.Մ.Ի Զահլէի ակումբին մէջ տեղի ունեցաւ երկօրեայ



Մայիսեան փառատօն 2010:

սեմինար-բանակում մը, իսկ անցեալ Օգոստոսին մասնաճիւղը իր սկստականերով մասնակցեցաւ Այնճարի մէջ Լեռնային Ղարաբաղի Հանրապետութեան նախագահին ի պատիւ կազմակերպուած պաշտօնական ընդունելութեան», ըսաւ ան:

Ձիւնիի պարագային, մասնաճիւղը չորս-հինգ տարի է ի վեր կը գտնուէր ոչ գործօն վիճակի մէջ: Շրջանցելու համար այդ հանգրուանը, մասնաճիւղը ունեցաւ նշանակովի վար-



չուլթիւն մը, որ սկսաւ վերակազմակերպուիլ:

Մասնաճիւղը արդէն իսկ ունեցաւ իր սկաուտական խումբակը, որ ամրան կատարեց իր բանակումը: Վարչութիւնը նաեւ ձիւնիի ակումբին բարեգարդումը իրականացուց եւ կը նախատեսուի, որ մօտիկ ապագային բացումը կատարուի վերակառուցուած ու բարեգարդուած ակումբին:

Մօտ օրէն տեղի պիտի ունենայ նաեւ մասնաճիւղին ընդհանուր ժողովը, ընտրելու համար մասնաճիւղին վարչութիւնը:

Եղբ․ Քէշիշեան յայտնեց, որ կազմակերպական առումով Հ․Մ․Ը․Մ-ի Լիբանանի Շրջանային Վարչութիւնը ձեռնարկած է անդամաքարտերու աշխատանքի մը, որուն միջոցով իւրաքանչիւր Հ․Մ․Ը․Մ-ական պիտի ունենայ իր անձնական տեղեկութիւններուն յատկացուած հարցաթերթիկը, որ պիտի օգնէ իմանալու եղած մարդու թիւն տարողութիւնը եւ գիտնալու, թէ իւրաքանչիւր անդամ ի՞նչ ցեղք ունի Հ․Մ․Ը․Մ-ի մէջ:

«Դաստիարակչական բաժնի պարագային, Հ․Մ․Ը․Մ-ի

Շրջանային Վարչութեան կազմակերպչական յանձնախումբը երեք կամ չորս առիթով մարզիկներու դաստիարակչական աշխատանքին նախաձեռնեց: Կազմակերպուեցան եւ գործադրուեցան դաստիարակչական հանդիպումներ, որոնց ներկայ գտնուեցան Շրջանային Վարչութեան հովանաւորութիւնը վայելող ներկայացուցչական խումբերու մարզիկներ: Դաստիարակչական ծրագիրը ունի նաեւ երկրորդ հանգրուան մը, որ գործադրութեան պիտի դրուի, երբ տարբեր շրջաններու մէջ նոր վարչութիւններ ընտրուին», ըսաւ ան:

Եղբ․ Քէշիշեան նկատել տուաւ, որ այդ մարզիկները կը ներկայացնեն Հ․Մ․Ը․Մ-ի կիրարկած բոլոր մարզաձեւերը: Ան նշեց, որ Հայկական Ցեղասպանութեան ոգեկոչման նախօրեակին, Պիքֆայայի Ապրիլեան Եղեռնի յուշարձանին ծաղկեպսակ զետեղելու սկաուտական ականդրութեան կողքին, առաջին անգամ ըլլալով, այս տարի յարգանքի տուրք մատուցեցին նաեւ Հ․Մ․Ը․Մ-ի մարզիկները, որոնց մասնակցութիւնը այսուհետեւ պիտի դառնայ ականդրութիւն:

Կազմակերպչական աշխատանքներու ծիրին մէջ, Հ․Մ․Ը․Մ-ի համար ականդրական դարձած այլ ձեռնարկ մըն է Հ․Մ․Ը․Մ-ի նահատակներու յիշատակին տեղի ունեցող հոգեհանգստեան տարեկան արարողութիւնը, որ կը կատարուի Նոյեմբեր ամսուան ընթացքին:

«Հ․Մ․Ը․Մ-ի Լիբանանի Շրջանային Վարչութիւնը ունեցաւ նաեւ քարոզչական աշխատանք, որուն ծիրին մէջ, Պէյրութի «Ազգակ» օրաթերթին էջերէն երկշաբաթեայ դրութեամբ ներկայացուց իր սկաուտական եւ մարզական աշխատանքները, պատմութիւնն ու ներկայ իրավիճակը: Այս աշխատանքը գաղութին մէջ

մեծ արձագանգ ու տպաւորութիւն ձգեց: Յառաջիկայի ծրագիրը պիտի ըլլայ մեզի յատկացուած էջով հրապարակել Հ․Մ․Ը․Մ-ի տարբեր մասնաճիւղերու աշխատանքներուն մասին տեղեկութիւններ», ըսաւ ան:

Հ․Մ․Ը․Մ-ի Լիբանանի Շրջանային Վարչութեան եւ լիբանանեան մարզական թէ սկաուտական բոլոր ակումբներուն միջեւ յարաբերութիւնները բաւական լաւ վիճակի մէջ են: «Լիբանանի տարբեր շրջաններու քաղաքապետութիւններուն, մարզական ակումբներուն եւ երիտասարդութեան ու մարմնակրթութեան նախարարին հետ մեր յարաբերութիւնները հեզասահ ընթացքի մէջ են եւ այդ ընթացքը կը նպաստէ Հ․Մ․Ը․Մ-ի աշխատանքներուն», ըսաւ եղբ․ Քէշիշեան:

Ան նշեց, որ մարզական կեանքին մէջ ներկայիս լաւագոյն արդիւնք արձանագրող մարզախաղերէն մէկը փինկ-փոնկն է: «Փինկ-փոնկի պարագային, միջ-արաբական ախոյեան ակումբներու աղջկանց ախոյեանութեան մրցաշարքին, Հ․Մ․Ը․Մ-ի փինկ-փոնկի աղջկանց խումբը, որ Լիբանանի

ախոյեանն է, տիրացաւ երրորդ դիրքին եւ արժանացաւ պրոնոզէ մետալի: Այս առիթով կ'ուզեմ ըսել, որ Հ.Մ.Ը.Մ-ի մարզիկ Աւօ Մուսօղլեան 18 տարեկանէն վար փինկ-փոնկի Լիբանանի ախոյեանն է: Ան այս մրցաշարքին փոխ տրուեցաւ Քֆարշիմայի Ռիատա Ուալ Ատապ խումբին եւ մրցաշարքի աւարտին ընտրուեցաւ մրցաշարքի տիպար մարզիկ:

Եղբ. Քէշիշեան յայտնեց, որ ճատրակի պարագային եւս Հ.Մ.Ը.Մ-ի մասնակցութիւնը բերած է Լիբանանի մէջ տեղի ունեցող խմբային ախոյեանութեան: Այս առիթով խումբին միացած է Հայաստանէն ժամանած ճատրակի մեծ վարպետ Տիգրան Գոթմանձեան, որուն շնորհիւ Հ.Մ.Ը.Մ. հանդիսացած է երրորդ:

Աթլետիզմին ակնարկելով, Յ. Քէշիշեան յայտնեց, որ Հ.Մ.Ը.Մ. այդ մարզաձեւին իր սիրողական մասնակցութիւնը կը բերէ, որովհետեւ խումբերը հաւաքելու եւ անոնց մարզումի վայր յատկացնելու իմաստով լուրջ դժուարութիւններու դէմ յանդիման կը գտնուի:

Պասքեթպոլին մասին խօսելով, Շրջանային Վարչութեան ատենապետը յայտնեց, որ այդ մարզաձեւը լաւ ընթացքի մէջ է: «Տղոց պարագային, Հ.Մ.Ը.Մ-ի ներկայացուցչական խումբը կը գտնուի երկրորդ դասակարգի մէջ: Նաեւ ունինք Հ.Մ.Ը.Մ-ի ձիւնիի եւ ԼԵՎԱՄ-ի խումբերը, որոնք ցարդ Հ.Մ.Ը.Մ-ի Լիբանանի Շրջանային Վարչութեան հովանաւորութեան տակ են: Հ.Մ.Ը.Մ-ի ձիւնիի եւ ԼԵՎԱՄ-ի խումբերը լաւ արդիւնքներ կ'արձանագրեն: Աղջկանց պարագային, Հ.Մ.Ը.Մ-ի 40-րդ Ներկայացուցչական Շրջանային Ժողովը որոշեց իւրաքանչիւր մարզաձեւի պարագային բարձրագոյն դասակարգի մէջ ունենալ ներկայացուցչական միայն մէկ խումբ եւ Հ.Մ.Ը.Մ-ի ներկայ Շրջանային Վարչութիւնը այդ որոշումը պիտի գործադրէ: Հետեւաբար, աղջկանց պարագային ներկայացուցչական մէկ խումբ պիտի ունենանք՝ բոլոր խումբերէն լաւագոյն տարրերը ընտրելով», ըսաւ ան:

Շրջանային Վարչութիւնը այս տարի առաջին անգամ ըլլալով կազմակերպեց հեծելաբաշտի մրցում մը, Շուշիի ազա-

տագրութեան կռիւներուն նահատակուած Հ.Մ.Ը.Մ.ական եղբ. Վիգէն Զաքարեանի յիշատակին:

«Դժբախտաբար մրցումը նախատեսուած ձեւով չկատարուեցաւ: Նախատեսուած էր մրցումը կատարել Լիբանանի հեծելաբաշտի բոլոր ակումբներուն միջեւ, սակայն վերջին պահուն կամքէ անկախ պատճառներով կարելի չեղաւ այդ մէկը իրագործել, կը խոստանանք սակայն յառաջիկային կատարել», շեշտեց եղբ. Քէշիշեան:

Հ.Մ.Ը.Մ-ի Լիբանանի Շրջանային Վարչութեան ապագայ ծրագիրներուն մասին խօսելով, եղբ. Քէշիշեան յայտնեց, որ Շրջանային Վարչութիւնը կը նպատակադրէ Հ.Մ.Ը.Մ-ի միջմասնաճիւղային միօրեայ մրցաշարքեր կազմակերպել:

Հ.Մ.Ը.Մ-ի Լիբանանի Շրջանային Վարչութեան մարզական աշխատանքներու ծիրին մէջ, եղբ. Քէշիշեան նշեց, որ ԼԵՎԱՄ-ի աշխատանքները արդէն իսկ ընթացքի մէջ են: Ան յայտնեց, որ անցեալ տարի լիբանանահայ 17 վարժարաններ իրենց մասնակցութիւնը բերած էին ԼԵՎԱՄ-ի խաղերուն: Այս տարի ԼԵՎԱՄ-ի յանձնախումբը վերամուտէն ի վեր կը գործէ՝ պատրաստելու համար ԼԵՎԱՄ-ի նոր յայտագիրը:

Ֆուտբոլի պարագային, Հ.Մ.Ը.Մ-ի Լիբանանի Շրջանային Վարչութեան ատենապետը շեշտեց, որ կազմակերպական առումով ներկայիս Հ.Մ.Ը.Մ-ի ֆուտբոլը կ'ապրի վերակազմաւորման եւ վերաորակաւորման հանգրուան մը:

Իր պատմութեան մէջ առաջին անգամ ըլլալով, Հ.Մ.Ը.Մ-ի ֆուտբոլի խումբը կը գտնուի Լիբանանի Գ. դասակարգին մէջ: Այս մէկը մեծ ցնցում յառաջացուցած է, ինչպէս մեր, նաեւ Հ.Մ.Ը.Մ-ի բոլոր համակիրներուն մօտ:

«Թերեւս պէտք է այս իրականութեան դրական կերպով մօտենալ եւ այսուհետեւ այլ ձեւով աշխատիլ: Այդ նոր ձեւին մասին ֆուտբոլի յանձնախումբը իր տեսակէտը ունեցաւ եւ նախաձեռնեց Հ.Մ.Ը.Մ-ի տրամադրուած հողածածկ դաշտը արուեստական խոտով ծածկուած ֆուտբոլի իսկական դաշտի մը վերածելու աշխատանքին: Իր ընտրուած թուականէն ի վեր, Շրջանային Վարչութիւնը, ֆուտբոլի յանձնախումբին



ԼԵՎԱՄ-ի մրցանակակիր վարժարաններու աշակերտութեան հետ:

ՊիքՖայայի եղեռնի յուշարձան
այցելութիւն:



PhotoRAFFI

պատանիներուն, որպէսզի աւելի փարին Ֆութպոլին, փարին Հ.Մ.Ը.Մ.ին եւ դառնան Հ.Մ.Ը.Մ.ի ապագայ ներկայացուցչական խումբի անդամներ:

«Մենք արդէն իսկ սկսած ենք

հետ գործակցաբար, ամէն ջանք ի գործ դրաւ եւ կը շարունակէ՝ առանց ճիգ խնայելու վերակազմաւորելու Հ.Մ.Ը.Մ.ի Ֆութպոլի խումբերը եւ աշխուժացնելու Ֆութպոլը:

Հ.Մ.Ը.Մ.ի Ֆութպոլի ներկայացուցչական խումբին եւ դպրոցին մարզումները ստանձնած է եղբ. Գէորգ Կարապետեան:

Հ.Մ.Ը.Մ.ի Ֆութպոլի դպրոցին զուգահեռ, եղբ. Յակոբ Կիւլիւմեան ստանձնած է Անթիլիասի մէջ 50-60 պատանիներու Ֆութպոլի մարզումը:

Շրջանային Վարչութիւնը գնահատանքի իր խօսքը ունի ըսելիք Ֆութպոլի յանձնախումբի բոլոր անդամներուն, որովհետեւ իրենց ճիգերով է, որ այսօր դաշտը գրեթէ աւարտած է»:

Եղբ. Քէչիշեան յայտնեց, որ Ֆութպոլի խտածածկ դաշտը իր խան մը պիտի հանդիսանայ լիբանանահայ գաղութի

Ֆութպոլի դպրոցի աշխատանքներուն եւ մեր մօտ արձանագրուած են 9-14 տարիքը ամբողջացուցած 179 պատանիներ, որոնք օրինաւոր կերպով Ֆութպոլի փորձերու կը հետեւին: Մենք այսօր սերմերը կը ցանենք, որպէսզի տարիներ ետք անոնց պտուղները քաղենք», շեշտեց ան:

Հ.Մ.Ը.Մ.ի Շրջանային Վարչութեան եւ Ֆութպոլի յանձնախումբին հիմնական նպատակն է փոքրերէն մինչեւ ներկայացուցչական խումբը շրջան ամբողջացնելու համար օղակներ ստեղծել, որպէսզի անոնց միջեւ բաց մը չարձանագրուի:

Ֆութպոլի դպրոցի աշխատանքներուն եւ ջանքերուն զուգահեռ, Հ.Մ.Ը.Մ.ի Շրջանային Վարչութիւնը այցելեց նաեւ Լիբանանի տարբեր շրջաններուն մէջ գտնուող Հ.Յ.Դ.ակումբները եւ հանդիպումներ ունեցաւ պատասխանատու



Հ.Մ.Ը.Մ.ի
«Հայր Պողոս Արիս»
դաշտը:

PhotoRAFFI

մարմիններուն հետ, անոնց ներկայացնելով իր փափաքը՝ վերակազմաւորելու Ֆուլթայլի թաղային խումբերը, որոնք կամուրջը պիտի ըլլան Հ.Մ.Ը.Մ.ի Ֆուլթայլի դպրոցին եւ ներկայացուցչական խումբին միջեւ:

«Ֆուլթայլի դպրոցին մէջ մինչեւ 14 տարեկան մարզուած փոքրերը, երկրորդական խումբերու պարագային, իրենց յաւելեալ մարզումները պիտի ստանան եւ լաւագոյն տարրերուն զտումով պիտի կազմուի ներկայացուցչական խումբը», ըսաւ ան՝ աւելցնելով, որ ներկայիս Հ.Մ.Ը.Մ.ի երկու խումբեր արդէն իսկ իրենց մասնակցութիւնը կը բերեն «Ամալ» եւ «Շապապ» տարիքային խումբերու արտոնութիւններուն, իսկ մնացեալ խումբերը իրենց



Վիգէն Չաքարեանի յիշատակին
հեծելարշաւի մրցումէն ետք:

PhotoRaffi

մասնակցութիւնը պիտի բերեն Հ.Մ.Լ.Մ.ի կազմակերպելիք երկրորդական խումբերու ախոյեանութիւններուն:

Եղբ. Քէչիշեան շեշտեց, որ Շրջանային Վարչութեան փափաքին արդէն իսկ ընդառաջած են եւ ներկայիս կազմուած են թաղային 10 խումբեր, որոնց համար Շրջանային Վարչութիւնը կազմած է Ֆուլթայոլի երկրորդ յանձնախումբ մը, որ պիտի կազմակերպէ Հ.Մ.Լ.Մ.ի երկրորդական խումբերու Ֆուլթայոլի ախոյեանութիւնը:

«Ճիշդ է, որ այսօր Հ.Մ.Լ.Մ. կը գտնուի երրորդ դասակարգի մէջ, սակայն աշխատանք կը տարուի, եւ կը մաղթենք, որ մօտիկ ապագային Հ.Մ.Լ.Մ. կը գտնուի հոն, ուր իրեն վայել է: Ներկայացուցչականին ընթացքը եւ յառաջդիմութիւնը եւս կարեւոր է մեզի համար, որովհետեւ Հ.Մ.Լ.Մ.ի դպրոցէն հասած մարզիկները պէտք է իտէպլ մը ունենան եւ ձգտին առաջնակարգ մակարդակի վրայ ֆուլթայոլ խաղալ», ընդգծեց ան:

Եղբ. Քէչիշեան յայտնեց, որ վերջերս Լիբանան այցելած է Արաբական Միացեալ Էմիրութիւններու քաղաքացի, լրագրող Մանսուր Ապտալլա, որ մարզական լուրերու հաղորդա-



Սա. Գիս Ազնաւուրեանի այրիին յուշանուէրի յանձնում:

վար է «Պայնունա Մետիա Կրուփ» պատկերասփիւռի կայանին մէջ: Ան նշեց, որ Ապտալլա ներկայիս կը ձեռնարկէ գիրքի մը պատրաստութեան, Ասիոյ ֆուլթայոլի հնագոյն տասը ակումբներուն մասին:

Իր պրպտումներուն մէջ ան բացայայտած է, որ Ասիոյ մէջ կան ֆուլթայոլի աւելի քան հարիւր հազար խումբեր, եւ Հ.Մ.Լ.Մ. իր հիմնադրութեան թուականով կը գրաւէ 7րդ դիրքը, իսկ Հ.Մ.Լ.Մ. Լիբանանի հնագոյն մարզական ակումբն է: «Մանսուր Ապտալլա, որ Լիբանանի ֆուլթայոլի ֆետերասիոնին ճամբով գտաւ մեզի, մեծ հմայքով խօսեցաւ Հ.Մ.Լ.Մ.ի մասին: Ան տեղեակ էր այն իրականութենէն, որ Հ.Մ.Լ.Մ. լիբանանեան առումով եղած է առաջին խումբը, որ 1970ին մասնակցած է

Ասիոյ ախոյեանութեան եւ Գ. կամ Դ. դիրքը զբաւած է, որովհետեւ մերժած է մրցիլ իսրայէլեան խումբին հետ: Ան անուաները տուաւ Լեւոն Ալթունեանին, Վարդիվառ Յովհաննէսեանին եւ իր տպաւորութիւնները փոխանցեց: Հեղինակին նախատեսութեամբ, իր պատրաստած գիրքին մէջ 40էն 50 էջ պիտի տրամադրուի Հ.Մ.Լ.Մ.ին», ըսաւ եղբ. Քէչիշեան:



Elegance Plus

Shoes, Bags,
Fashion Accessories
& Gift Items

Bourj Hammoud - Dora - Armenia Street - Boyadjian Bldg.
Beirut - Lebanon

Tel. : 00961-1-248554, Fax : 00961-1-248556
Mob.: 00961-3-882811 - 00961-3-882812
E-mail: hratch@goldenmountains.com
hratchboy@hotmail.com

H. N. BOYADJIAN & CO.

ՖՈՒԹՊՈՒԼԻ ԻՍԿԱԿԱՆ ԴԱՇՏ ՄԸ ՈՒՆԵՆԱԼԸ ԵՐԱԶ ԷՐ ԵՒ ԱՅՍՕՐ ԻՐԱԿԱՆԱՑՄԱՒ

Կ'ԸՍԷ Հ.Մ.Ը.Մ.Ի ԼԻԲԱՆԱՆԻ ՖՈՒԹՊՈՒԼԻ ՅԱՆՁՆԱԽՈՒՄԻ ԱՏԵՆԱՊԵՏ ԵՂԲ. ՍԱՐԳԻՍ ՎԱՐԺԱՊԵՏԵԱՆ

Հ.Մ.Ը.Մ.ի «Հայր Պօղոս Արիս» ֆութպոլի դաշտին բացման առիթով, Հ.Մ.Ը.Մ.ի Լիբանանի Շրջանային Վարչութեան քարոզչական յանձնախումբը դիմեց ֆութպոլի ներկայացուցչական յանձնախումբի ատենապետ եղբ. Սարգիս Վարժապետեանին՝ իր գլխաւորած յանձնախումբին աշխատանքները ծանօթացնելու համար:

Եղբ. Վարժապետեան յայտնեց, որ ներկայիս յանձնախումբին նպատակն է դպրոցի եւ թաղային ֆութպոլի խումբերը կեանքի կոչել, որպէսզի նախ եւ առաջ խումբերը վերակենդանանան եւ ապա՝ կարելի ըլլայ մարզումներու ընդմէջէն Հ.Մ.Ը.Մ.ական ֆութպոլին մակարդակը բարձրացնել:

Եղբ. Վարժապետեան յայտնեց, որ Հ.Մ.Ը.Մ.ի ֆութպոլի դպրոցը ծնունդ առաւ 12 Դեկտեմբեր 2009ին, երբ սաները սկսան իրենց անդրանիկ փորձերը կատարել:

Ան նշեց, որ տարիքային խառն դրուժեամբ երեք ամսուան մարզումներէ ետք՝ կարելի եղաւ խումբերը բաժնել տարիքային դրուժեամբ:

«Ներկայիս ֆութպոլի դպրոցը ունի տարիքային երեք դասարաններ, որոնք կը ներկայանան իբրեւ 2000ի եւ 2001ի ծնունդներ, երկրորդը՝ 1998ի եւ 1999ի ծնունդներ, երրորդը՝ 1996ի եւ 1997ի ծնունդներ: Այս խումբերուն կողքին կան նաեւ Հ.Մ.Ը.Մ.ի կրտսերներու երկու խումբերը, որոնք կ'ընդգրկեն 1994ի եւ 1995ի ծնունդները, ինչպէս նաեւ՝ 1992ի եւ 1993ի ծնունդները:

Մարզիչներուն մասին խօսելով, եղբ. Վարժապետեան յայտնեց, որ անոնք Հ.Մ.Ը.Մ.ի նախկին ֆութպոլիստներ են: Աւագ մարզիչն է եղբ. Գէորգ Կարապետեան, իսկ օգնական մարզիչը՝ Յակոբ Տէմիրճեան:

Ան նշեց, որ մարզումները օրինաւոր ձեւով կը կատարւին շաբաթական երկու անգամ: Շաբթուան մէջ օր մը եւ Շաբաթ օրերը»:

Եղբ. Վարժապետեան նշեց նաեւ, որ Հ.Մ.Ը.Մ.ի տարիքային բոլոր խմբաւորումներուն համար մրցաշարքեր կը կազմակերպուին:

Խումբերու տարազաւորման, տարբեր դաշտերու մէջ անոնց մարզումին, մրցումներու մասնակցութեան համար երթեկեկի եւ ֆութպոլիստներու ապահովագրութեան ծախսերը կը հոգայ Հ.Մ.Ը.Մ.ի ֆութպոլի ներկայացուցչական յանձնախումբը:

Եղբ. Վարժապետեան շեշտեց, որ առիթը բաց է բոլորին դիմաց՝ մաս կազմելու ֆութպոլի խումբերուն:

Այս առիթով, ան շնորհակալական խօսք ուղղեց ֆութպոլ-



լի ներկայացուցչական յանձնախումբին, որոնք մաս կը կազմեն Սիմոն Զաքարեան, Վաչէ Տիչչէֆէնեան, Զաւէն Տէր Պետրոսեան, Աւօ Աշճեան եւ Կարէն Սալխանեան:

Եղբ. Վարժապետեան նշեց, որ Հ.Մ.Ը.Մ.ի Ֆուտպոլի խումբերը կը կոչուին նահատակ կամ վաստակաւոր Հ.Մ.Ը.Մ.ականներու անունով: Ան շեշտեց, որ Հ.Մ.Ը.Մ.ի Ֆուտպոլի դպրոցին աշխատանքը շատ կարեւոր է, որովհետեւ պատանիները դպրոցին մէջ պիտի ստանան իրենց մարզական եւ Հ.Մ.Ը.Մ.ական դաստիարակութիւնը եւ կրտսերներու խումբին մէջ է, որ պիտի դառնան փորձառու եւ արհեստավարժ Ֆուտպոլիստներ:

«Դպրոցին աշխատանքը հիմնական է եւ պէտք է այդ առումով միշտ հետեւողական ըլլայ: Դժբախտաբար, որոշ շրջանի մը համար այս աշխատանքը դադրած էր եւ այդ պատճառով, այսօր մեր ներկայացուցչական խումբը կը գտնուի ներկայ վիճակին մէջ: Մենք վերակազմաւորման լուրջ եւ կարեւոր հանգրուանի մը մէջ ենք, որպէսզի կարենանք երեք կամ չորս տարիէն ունենալ Հ.Մ.Ը.Մ.ի Ֆուտպոլի խումբ,




«Սարգիս Ազնաւուրեան» խումբ

ընդգծեց եղբ. Վարժապետեան: Հ.Մ.Ը.Մ.ի «Հայր Պօղոս Արիս» Ֆուտպոլի դաշտին մասին խօսելով, եղբ. Վարժապետեան յայտնեց, որ դաշտը արւեստական խոտով ծածկելու ծախսերը բաւական մեծ էին, սակայն ամէն ջանք ի գործ դրուած է Հ.Մ.Ը.Մ.ի դպրոցին իսկական դաշտ մը ապահովելու: «Այս ուղղութեամբ Ֆուտպոլի յանձնախումբը դիմեց

Հ.Մ.Ը.Մ.ական երկու եղբայրներու, որոնք սիրաբար այդ փոխատուութիւնը կատարեցին, որպէսզի դաշտը կառուցւի: Մեզի համար Ֆուտպոլի իսկական դաշտ մը ունենալը երազ էր եւ այսօր իրականացաւ», շեշտեց եղբ. Վարժապետեան:

Վերջապէս, ան ըսաւ, որ դաշտը տրամադրուած է Հ.Մ.Ը.Մ.ական բոլոր խումբերուն եւ յառաջիկայ տարուան ընթացքին ճիշդ պիտի չինայուի, որպէսզի Հ.Մ.Ը.Մ.ի Լիբանանի Շրջանային Վարչութեան հետ գործակցաբար, դաշտին վրայ կազմակերպուին Ֆուտպոլի միջ-մասնաճիւղային մրցաշարքեր:



- Full of Charme Hotel, New Construction, French Architecture, International Standards, 100 m from the Republic Square and 15 minutes from the Yerevan International Airport.
- 44 Rooms and 3 Suites with all comforts, all climate controled, minibar, shower or bathroom with private WC, hairdryer. Satellite TV, international direct dial phone. Internet & Email access.
- Individualized and personal service, 24 hour reception and room service
- Bar



Feel at home, away from home...

Reservations Yerevan
32-38, Hanrabedoutian Street,
Yerevan 375010, Armenia
Tel 374 10 54 60 60 • Fax 374 10 54 60 50
sales@europohotel.am

Studio/ACEI 2005 PARS

Հ.Մ.Ը.Մ.Ի ՖՈՒԹՊՈՒԼԻ ԴՊՐՈՑԻ ՊԱՏԱՆԻՆԵՐԸ ԿԸ ՆԵՐԿԱՅԱՑՆԵՆ ԻՐԵՆՑ ՏՊԱԿՈՐՈՒԹԻՒՆՆԵՐԸ

«այր Պօղոս Արիս» խոտածածկ դաշտին բացման առիթով, Հ.Մ.Ը.Մ.Ի Լիբանանի Շրջանային Վարչութեան քարոզչական յանձնախումբը այցելեց դաշտ եւ ծանօթացման հանդիպում մը ունեցաւ ֆութպոլի դպրոցի պատանիներուն հետ, որոնք ուրախութեամբ իրենց տպաւորութիւնները փոխանցեցին նորաստեղծ դպրոցին եւ պատասխանատուներուն մասին:

Հ.Մ.Ը.Մ.Ի ֆութպոլի դպրոցին միացայ ֆութպոլի սկսելէն ամիս մը ետք: Բոլոր ընկերներս արդէն ֆութպոլի փորձերու կը մասնակցէին, հետեւաբար ես ալ հետեւեցայ անոնց օրինակին, որովհետեւ ես կը սիրեմ Հ.Մ.Ը.Մ.Ի եւ ֆութպոլը: Դպրոցին մէջ մենք ճիշտ բար կը սորվինք ֆութպոլ խաղալ, եւ ես արդէն տարբերութիւն մը կը զգամ փորձերէն գրեթէ 10 ամիս ետք:

Երբ Հ.Մ.Ը.Մ.Ի զինանշանը կրող շապիկով խաղամ, ինքզինքս շատ զօրաւոր կը զգամ:

Ես կը փափաքեմ ապագային լաւ ֆութպոլիստ դառնալ եւ կը քաջալերեմ բոլոր ընկերներս, որպէսզի գան եւ իրենք ալ սորվին ֆութպոլ խաղալ:

ԴՐՕ ԹԵՔԿԵԼԵԱՆ (11 տարեկան)

Ես մաս կը կազմեմ Հ.Մ.Ը.Մ.Ի ֆութպոլի դպրոցի կրտսեր պատանիներու խումբին, որովհետեւ կը սիրեմ Հ.Մ.Ը.Մ.Ի ու ֆութպոլը եւ կը փափաքեմ, որ ֆութպոլը զարգանայ ու յաւելեալ աշխուժութիւն ստեղծէ:

Ես կը փափաքեմ ապագային Հ.Մ.Ը.Մ.Ի լաւագոյն ֆութպոլիստներէն մէկը ըլլալ: Կը քաջալերեմ ընկերներս, որ գան եւ միանան դպրոցին ու ճիշտաբար

ֆութպոլ խաղալ սորվին: Ես շատ կը սիրեմ խումբս եւ մարզիչներս, որոնք շատ լաւ կը վարուին մեզի հետ եւ մնայուն կերպով նոր փորձեր կը կատարեն ու նոր թեքնիքներ կը սորվեցնեն:

ՊԱՐՈՅՐ ԳՈՒՅՈՒՄՃԵԱՆ (10 տարեկան)

Ես հինգ ամիսէ ի վեր կը հետեւիմ Հ.Մ.Ը.Մ.Ի ֆութպոլի դպրոցի փորձերուն եւ կը քաջալերեմ ընկերներս, որպէսզի գան եւ մեզի հետ ֆութպոլ խաղալ սորվին:

Կը փափաքեմ այս փորձերուն հետեւիլ եւ Հ.Մ.Ը.Մ.Ի պատիւը բարձր պահել ու մաս կազմել Հ.Մ.Ը.Մ.Ի ներկայացուցչական խումբին եւ ի վերջոյ ապագային մեկնիլ Եւրոպա ու եւրոպական խումբերէն ֆութպոլ խաղալ:

Փորձերը շատ լաւ կ'ընթանան: Մենք մնայուն կերպով նոր փորձեր կը կատարենք՝ կատարեալ կարգապահութեամբ: Կը մաղթեմ, որ ընկերներս միշտ հոս մնան եւ մենք միշտ միասին խաղանք ու Հ.Մ.Ը.Մ.Ի պատիւը բարձր պահենք:

ԽԱԺԱԿ ՊԱՐՈՆԵԱՆ (13 տարեկան)

Արդէն իսկ տարի մըն է, որ Հ.Մ.Ը.Մ.Ի ֆութպոլի դպրոցին մաս կը կազմեմ եւ շատ գոհ եմ անկէ, որովհետեւ մեզի լաւ ֆութպոլ խաղալ կը սորվեցնեն. հոս ընկերային շատ լաւ մթնոլորտ կայ:

Ես կը փափաքեմ, որ բոլոր ընկերներս գան եւ մասնակցին դպրոցի փորձերուն՝ բարձր պահելով Հ.Մ.Ը.Մ.Ի պատիւը: Ես երբ Հ.Մ.Ը.Մ.Ի զինանշանը կրող շապիկը կրեմ, կը զգամ, որ կը ներկայացնեմ հայրենիքս եւ ջանք կը թափեմ աւելի լաւ խաղալու:

Ապագային կ'ուզեմ Հ.Մ.Ը.Մ.Ի

խումբին հետ խաղալ եւ Հ.Մ.Ը.Մ.Ի պատիւը բարձր պահել:

ՇԱՀԷ ՅԱԿՈՒԲԵԱՆ (13 տարեկան)

Հ.Մ.Ը.Մ.Ի ֆութպոլի դպրոցին մաս կը կազմեմ անոր առաջին փորձէն իսկ, որովհետեւ թէ՛ Հ.Մ.Ը.Մ.Ի կը սիրեմ եւ թէ՛ ֆութպոլը: Ես կը փափաքեմ փայլուն ապագայ մը ունենալ իբրեւ ֆութպոլիստ: Հ.Մ.Ը.Մ.Ի դպրոցին մաս կազմելով կը զգամ, որ ես կարեւոր բան մը ունիմ եւ Հ.Մ.Ը.Մ.Ի պատիւը կը կրեմ:

Ես շատ գոհ եմ փորձերէն, որովհետեւ նոր փորձեր կը կատարենք, եւ բոլոր ընկերներս կարգապահ են, իսկ մարզիչները եւ պատասխանատուները մեզի շատ լաւ հոգ կը տանին:

Կը փափաքեմ, որ բոլոր հայ պատանիները Հ.Մ.Ը.Մ.Ի ֆութպոլի դպրոցի փորձերուն ներկայ գտնուին, իրենք զօրանան եւ խումբը զօրացնեն:

ՇԱՐՊԷԼ ԱՊԷԹԵԱՆ (11 տարեկան)

Երեք ամիս եղաւ, որ կը հետեւիմ փորձերուն: Շատ ուրախ եւ գոհ եմ այս փորձերով եւ Հ.Մ.Ը.Մ.Ի ֆութպոլի դպրոցին մէջ շատ լաւ մթնոլորտ մը կը տիրէ: Մեզի շատ լաւ հոգ կը տանին եւ սրտբաց կ'ընդունին մեզ:

Հ.Մ.Ը.Մ.Ի կարողութիւններուն կը հաւատամ եւ գիտեմ, որ Հ.Մ.Ը.Մ.Ի շատ լաւ կը մարզէ իր խումբերը, ապագային յաղթանակներ ապահովելու նպատակով:

ՎԻԳԷՆ ԹԱՆԱՇԵԱՆ (12 տարեկան)

Հ.Մ.Ը.Մ.Ի ֆութպոլի դպրոցին բացումէն ի վեր փորձերուն կը հետեւիմ եւ Հ.Մ.Ը.Մ.Ի սիրելով է, որ կու գամ փորձերուն: Հ.Մ.Ը.Մ.Ի իմ մէջս հայ ըլլալու եւ

հպարտ ըլլալու զգացումը կը զօրացնէ:
 Ես ընկերներս միշտ կը քաջայերեմ,
 որ մասնակցին Ֆուլթայոլի փորձերուն,
 ուր մենք առիթը ունինք այլ խումբերու
 դէմ մրցումներ կատարելու:

Շատ գոհ եմ փորձերէն, պատասխանատուները շատ լաւ հոգ կը տանին:
 Կը փափաքիմ, որ խումբը բազմաճանց եւ
 մնայուն յաղթանակներ տանի, հասնելով
 ախոյեանութեան:

ԳԵՈՐԳ ՊՈՅԱՃԵԱՆ
 (12 տարեկան)

Հ.Մ.Ը.Մ.ը մեծ է եւ անոր ապագան
 փայլուն պէտք է ըլլայ: Հ.Մ.Ը.Մ.ի տարած
 սովորական ֆուլթայոլի տարած մը
 չէ, այլ՝ ապագայի յոյս մը, որովհետեւ
 ես կ'ըզեմ Հ.Մ.Ը.Մ.ի խումբին հետ
 ֆուլթայոլ խաղալ եւ Հ.Մ.Ը.Մ.ի անունը
 բարձր պահել:

Փորձերէն շատ գոհ եմ եւ ամէնէն
 աւելի կը սիրեմ զոյգ կողով ֆուլթայոլ
 խաղալու պահերը: Պատասխանատուներէս
 շատ գոհ եմ, որովհետեւ մեզ լաւ
 կը մարզեն: Կը մաղթեմ, որ երբ մեծնամ
 Հ.Մ.Ը.Մ.ի ֆուլթայոլի խումբին մաս

կազմեմ եւ Հ.Մ.Ը.Մ.ի ու հայութեան
 անունը բարձր պահեմ:

ԿԷՐԻ ԼԵՓԷՃԵԱՆ
 (10 տարեկան)

Հ.Մ.Ը.Մ.ի դպրոցին մաս կը կազմեմ
 երկու ամիսէ ի վեր. արդէն որոշ բարե-
 լաւում մը կը զգամ եւ յոյս ունիմ, որ քա-
 նի մը տարիէն կը դառնամ ֆուլթայոլիստ:

Երբ Հ.Մ.Ը.Մ.ի շապիկը հագուելիմ
 հպարտ կը զգամ, որ Հ.Մ.Ը.Մ.ի ֆուլթ-
 պոլիստ եմ: Կը փափաքիմ, որ բոլոր պա-
 տանիները Հ.Մ.Ը.Մ.ի դպրոցին միա-



«ժողէֆ Նալպանտեան» խումբ



«Մանուէլ Ալթունեան» խումբ

Հ.Մ.Ը.Մ.Ի ՖՈՒԹՊՈՒԼԻ ԴՊՐՈՑԻՆ ՄԱՍ ԿԱԶՄՈՂ ՄԱՐԶԻԿՆԵՐԸ

1992Ի ԾՆՈՒՆԴՆԵՐ

Սերժ Սելիքեան, Միշէլ Պուլէտ, Մայքըլ Սաատ, Յարութ Լափաճեան, Ալէք Ալըճեան եւ Յակոբ Պայրազտարեան:

1993Ի ԾՆՈՒՆԴՆԵՐ

Կրեկորի Շիշոյեան, Մանուէլ Հալէպեան, Վրէժ Այվազեան, ճորճ Տարազճեան եւ Տիգրան Վարդան:

1994Ի ԾՆՈՒՆԴՆԵՐ

Գեորգ Գունուշեան, Քրիստ Տարազճեան, Կարէն Խաչատուրեան, Վիթալի Աուն, Սերժ Տօնապետեան, Սեւակ Գուզուքեան, Սերուժ Պալթարեան, Փիթըր Մարտինի, Գօգօ Պասմաճեան, Շանթ Պալեան, Սարհատ Գէթսեմանեան, Գօգօ Գասպարեան եւ Գեորգ Գուհարճեան:

1995Ի ԾՆՈՒՆԴՆԵՐ

Սարո Նոխուսեան, Նարեկ Ասուրեան, Աբօ Բարսեղեան, Սերժ Քէօսեան, Յակոբ Նաճարեան եւ Էլիա Խաչօ:

1996Ի ԾՆՈՒՆԴՆԵՐ

Մամաս Քեհեան, Սերժ Տիշէքեան, Արա Փանոսեան, Մանուէլ Քէշիշեան, Անդրանիկ Պապեան, Աւետիս Աւետիսեան, Էտուարտ Թալապեան, Կարապետ Եագուպեան, Յարութ Անտոնեան, Միեր Սապունճեան, Սարգիս Սերոբեան եւ Զատիկ-Սեւակ Կիլեսերեան:

1997Ի ԾՆՈՒՆԴՆԵՐ

Ռուանտ Կարապետեան, Աննէտ Իպրահիմ, Ալէքսի Եագուպեան, Կարապետ Շատոյեան, ճորճ Պարսում, ճորճ Օհաննէսեան, Յովհաննէս Պաղնապանեան, Յովիկ Մինասեան, Հրաչ Ազնիկեան, Ժողէֆ Ապու Ռըժայի, Գօգօ Գարատալեան, Գրիգոր Ահարոնեան, Միեր Սիրմէնեան, Նժդեհ Կոտալազեան, Փանոս Սազարեան, Սերժ Գույումճեան, Սերժ Արիկեան, Շահէ Յակոբեան եւ Վարդան Մամիկոնեան:

1998Ի ԾՆՈՒՆԴՆԵՐ

Ապպուտ Խուրի, Էնտրիս Ազգէ, Արմէն Ռոքրայետրոսեան, Աւօ-Ժագ Արմաղալեան, Բենիամին Յակոբ-

նան, որպէսզի մարզիկներուն թիւը շատնայ:

Մենք այս փորձերուն անվճար կերպով կը հետեւինք, կը սորվինք շատ բաներ, որոնցմէ կարեւոր կը նկատուի նաեւ կարգապահութիւնը:

ՌՈՒԱՆՏ ԿԱՐԱՊԵՏԵԱՆ
(13 տարեկան)

Եօթը ամիս եղաւ, որ կը մարզուիմ Հ.Մ.Ը.Մ-ի ֆուլթպոլի դպրոցին մէջ. շատ դուրս եմ ընդհանուր մթնոլորտէն եւ

մեզի հանդէպ ցուցաբերուած հոգատարութենէն:

Հ.Մ.Ը.Մ-ի շապիկը հագուելով կը ըզգամ, որ իմ ազգս կը յարգեմ եւ այդ պատճառով ալ Հ.Մ.Ը.Մ-ը կարեւոր է ինծի համար, որովհետեւ Հ.Մ.Ը.Մ-ը սիրելով հայ կը մնամ:

ՍԵՐԺ ԱՐԻԿԵԱՆ
(14 տարեկան)

Շատ ուրախ եմ, որ Հ.Մ.Ը.Մ-ի ֆուլթպոլի դպրոցին մաս կը կազմեմ,

որովհետեւ ես գրեթէ ֆուլթպոլ խաղալ չէի գիտեր, սակայն հիմա բաւական բան սորված եմ եւ կը մաղթեմ շարունակել ֆուլթպոլի մէջ մարզումներս՝ մինչեւ Հ.Մ.Ը.Մ-ի ներկայացուցչական խումբին մաս կազմեմ: Հ.Մ.Ը.Մ-ը ազգին ժառանգութիւնն է եւ այդ միութիւնն է, որ ինծի ֆուլթպոլ խաղալ սորվեցուցած է եւ ես իմ կարգիս Հ.Մ.Ը.Մ-ի պատիւը բարձր պիտի պահեմ:

ՔՐԻՍՏ ԱՐԹԻՆԵԱՆ
(13 տարեկան)



«Վազգէն Տէր Ղուկասեան» խումբ



«Եղիշէ Մանուկեան» խումբ

եան, Պերճ Սեֆիլեան, Տանի Տիպա, Ֆատի Աքբուզի, Կարէն Չոլաքեան, Կարէն Գասպար, Կարո Եագուպ, ճորճ Իշխանեան, Ժան Քահքէճեան, Խաչիկ Սերոբեան, Մարտիրոս Միճեան, Սովսէս Գարագուզեան, Փօլ Ներսէս, Սագէ Քենպէլեան, Սեւակ Ժամկոչեան, Դրօ Գարատաղլեան, Վիգէն Նեսիմեան, Եորկօ Խուրի եւ Եուսէֆ Պազգի:

1999-Ի ԾՆՈՒՆԴՆԵՐ

Արամ Հաննա, Աւետիս Յովհաննէս, Շարպէլ Ապէթեան, Տիգրան-Հրակ Ընգապապեան, Տիրան Շատոյեան, Էլի Ապէթեան, Կարապետ Աւեսեան, Յակոբ Աքիզեան, Յակոբ Մարկոսեան, Հերի-Յարութ Թասլաքեան, Յովսէփ Պետրոսեան, Հրաչ Մուրատ, Գեորգ Պետիրլեան, Գրիգոր Ղազարեան, Սիւր Թրքեան, Միսաք-Սերժ Գանտահարեան, Սերժ Ուրֆալեան, Սերժ Ժամկոչեան, Սերժ Կիրիւնլեան, Սեւակ Թորոսեան, Շիրազ Կարապետ եւ Դրօ Թեքլեյեան:

2000-Ի ԾՆՈՒՆԴՆԵՐ

Արամ Ադամեան, Արտօ Ասատուր, Գարլոս Նորընծայեան, Էմանուէլ Պոլատ, Համբիկ Սեֆիլեան, Յովիկ ճենանեան, Յովիկ Արթին, Հրակ Եւմուշազեան, ճօ Գասապեան, ճոնի Սանժայ, Գրիգոր Սերայտարեան, Մոհամմէտ Իպրահիմ, Փիթըր Չաքարեան, Սերժիօ Ահարոնեան եւ Վարազ-Կայծ Չաքըրեան:

2001-Ի ԾՆՈՒՆԴՆԵՐ


Աւագ Պալապանեան, Պետրոս Պետրոս, Պետրոս-Գեորգ Պետրոս, Քրիստ Հապէշեան, Ֆրէտի Չաքըրեան, Կապրիէլ Ադամեան, Համազասպ Օհան, Հենրի-Հայկ Չաքարեան, Յովհաննէս ճենանեան, ճոն Մարգարեան, Մանուէլ Խանճեան, Սարգիս Սարգիսեան, Սերժ Օսկեան եւ Եուսէֆ Ալամ:

2002-Ի ԾՆՈՒՆԴՆԵՐ

Անթոնի Սանժայ, Գարլոս Մոսկոֆեան, ճորճիկ Աւետիսեան, Քելըն Ստեփան, Գրիգոր Քիլէճեան, Մայք Ատուրեան, Րաֆֆի Գարատաղլեան, Սերժ Գասապեան, Շանթ Ուրֆալեան, Ստեփան Յակոբեան, Սթիւ Քէշիշեան, Վահէ Եւմուշազեան եւ Վարանդ Պաքչաճի:

2004-Ի ԾՆՈՒՆԴՆԵՐ

Մարտիկ Յովհաննէս, Նարեկ Կիրիւնեան եւ Փօլ Գաժոյեան:



«Սարգիս Սարգիսեան» խումբ

ՀԱՅ ՄԱՐՄՆԱԿՐԹԱԿԱՆ ԸՆԴՀԱՆՈՒՐ ՄԻՈՒԹԻՒՆԸ ՄԵՐՁԱՒՈՐ ԱՐԵՒԵԼՔԻ ՄԷՉ



Ներսէս Արք. Բախտիկեան (1911-1989)
ԱՆՏԻՊ, ԻԱ. ՄԱՍ

«Այս յանձնախումբին պարտականութիւնը պարտի ըլլայ Հ.Մ.Ը.Մ.ի բոլոր ֆուլթալոյիստները իրենց կարողութեան չափով խումբերու բաժնել, խումբերուն խմբապետներ ընտրել, խմբապետներուն միջոցաւ ամսավճարներ հաւաքել, ֆուլթալոյի շուրջ դասախօսական ժողովներ սարքել, խաղացուցակ պատրաստել: Յանձնախումբին բոլոր որոշումները կրնան գործադրութեան դրուել վարչութեան վաւերացումէն վերջ» (Ճիստ 1927 Ապրիլ 25):

Երիտասարդ Կաթողիկէ Միութեան վարիչը՝ Մկրտիչ Պատիլ, Հ.Մ.Ը.Մ.ի ատենապետին դիմելով, կ'առաջարկէ հեծե-

լանիւի մրցում մը կազմակերպել Հ.Մ.Ը.Մ.ի լայն օժանդակութեամբ: Եկած առաջարկը վարչական ժողովին նիւթ դառնալէ ետք, յարմար կը տեսնուի խառն ժողով մը գումարել: Ժողովին ընթացքին նկատի կ'առնուին ձեռնարկին նորութիւնը եւ բերելիք հասոյթը: Այս առաջին հանդիպումը կը վերջանայ միջազգային ողիմպիական մը կազմակերպելու առաջադրութեամբ: Երիտասարդ Կաթողիկէներու Միութեան հետ բանակցութիւն վարելու պարտականութիւն կը տրուի Բիւզանդ Թիւֆէնքճեանին, Լուտեր Մասպանաճեանին եւ Միհրան Կարապետեանին:

Կատարուած բանակցութիւնները դրական արդիւնք կու տան, հետեւեալ պայմաններով.-

«Միջազգային ողիմպիականի յայտագրին պատրաստութեան մէջ Հ.Մ.Ը.Մ.ի վարչութիւնը լիազօր է, ինչպէս նաեւ խաղերու, փորձերու, կազմակերպչական գործին: Հ.Մ.Ը.Մ.ը ողիմպիականին համար երբեք ծախս պիտի չընէ, իսկ ողիմպիականէն որոշ գումար մը պիտի յատկացուի Հ.Մ.Ը.Մ.ին: Արտաքին բոլոր աշխատանքները պիտի տանի սերքլը-վայր գտնել, տոմսեր եւ յայտարարութիւններ հրատարակել, շքանշաններ հայթայթել Ա.Բ.Գ. հանդիսացողներուն: Ողիմպիականը կատարել Մայիս 29ին» (ատենագրութիւն, Մայիս 24ի):

Հ.Մ.Ը.Մ.ը նախանձախնդիր հայուն արժանապատուութեան օտար մրցորդներու հետ, եւ օտար հասարակութեան մը ներկայութեան, անմիջապէս կը սկսի փորձերու:

Մանսուրեան եւ Պեքէրեան շաբաթը երեք անգամ ողիմպիական խաղերու փորձերուն կը հսկեն: Շուէտական մարզանքները կը վարէ Բաբգէն Վահրամեան, իսկ բուրգերու փորձերը կը կատարուին Մասպանաճեանի հսկողութեամբ:

Ողիմպիականը տեղի կ'ունենայ որոշուած թուականին, Սուլթանիէի խաղավայրին վրայ, հազարի չափ ընտրեալ հասարակութեան մը ներկայութեան:

«Հ.Մ.Ը.Մ.ը իր բոլոր կազմով ներկայ էր: Ողիմպիականին կը մասնակցէին 33 սկաուտներ եւ 60ի մօտ մարզիկներ: Սկաուտներուն, մարզիկներուն, Ազգ. վարժարանի աշակերտութեան տողանցքը եւ շուէտական մարզանքը, որ կատարուեցաւ Փրանսական զինուորական նուազախումբին առաջնորդութեամբ, մեծ տպաւորութիւն գործեց ներկաներուն վրայ:

«Հ.Մ.Ը.Մ.ի մարզիկները այս ողիմպիականին ձեռք բերին գովելի արդիւնք: 108 կէտերէն Հ.Մ.Ը.Մ. շահեցաւ 76 կէտ:

«Կաթողիկէ Երիտասարդներու Միութեան վարչութիւնը խորին շնորհակալութիւն յայտնեց Հ.Մ.Ը.Մ-ին, իր բերած աշխատանքին՝ այս ձեռնարկին յաջողութեան համար» (ատենագրութիւն 31 մայիս 1927ին):

«Ազգակ»ի 30 Մայիս 1927ի թիւին մէջ, «Անդրանիկ Միջազգային Ողիմպիական Հաշիկի մէջ» խորագրին տակ կը կարդանք.

«... Հո՞ծ բազմութեան մը ներկայութեան տեղի ունեցաւ Հաշիկի միջազգային անդրանիկ ողիմպիականը: Ներկայ էին, զօրավարին քաղաքէն բացակայութեան հետեւանքով, փոխանորդը, կուսակալը, կրթական նախարարը, քաղաքապետը:

«... Սօս քառասուն Ա. Բ. Գ. հանդիսացող մրցորդներուն մէջ, հայերը կը շահին 34 մրցանակներ»:

Սկստական շարժման աւելի զարկ տալու, ինչպէս՝ ֆութպոլի պարագային, վարչութիւնը կը կազմէ առաջին Սկստ. Խորհուրդը, բաղկացած Լուսեր Մասպանաճեանէ, Բաբգէն Վահրամեանէ եւ Կոպեռնիկ Մանուկեանէ: Սկստ. Խորհուրդը առաջին իսկ օրէն կը ծրագրէ ու կը հաստատէ կանոնաւոր դաստիարակութեան դրութիւն՝ կրթելու եւ մարզելու սկստանքը:

Վարչութիւնը նրկական հասոյթ մը ապահովելու մտադրութեամբ, կ'որոշէ վիճակահանութիւն եւ հանդէս կազմակերպել: Առաջինին համար կ'որոշուի, ինչպէս ըլլալու համար գնումի ծախսերը, անդամներէն եւ համակիրներէն յարմար նուէրներ հաւաքել, իսկ երկրորդ ձեռնարկին համար յայտարարութիւն կը հրատարակուի «Դերասանի» շնորհ ունեցող անդամներուն, որպէսզի վարչութեան դիմեն:

Ակումբին մէջ կարգ ու կանոն պահելու, ակումբը Հ.Մ.Ը.Մ-ի անուան ու կոչումին վայել միջավայրի մը վերածելու մտօք, վարչութիւնը հետեւեալ հրահանգները կը պարտադրէ. -

1. Հ.Մ.Ը.Մ-ի անդամները ըստ ծրագիր-կանոնագրի, ամէն տեղ պարտաւոր են հայերէն խօսիլ, մանաւանդ ակումբին մէջ:

2. Ակումբ մտնող ոեւէ անդամ պարտաւոր է գլխարկը վերցնել: Ակումբին մէջ բարձր խօսիլ, կռուիլ, ակումբին կարգն ու սարքը խանգարել բացարձակապէս արգիւտած է:

3. Ակումբի գոյքերուն ձեռք դալցնել արգիւտած է: Որեւէ առարկայի վնաս հասցնողը նրկական հատուցումի կ'ենթարկուի:

4. Անդամները զիրար ամէն տեղ բարեւելու են: Մեծերուն հանդէպ յարգալի վերաբերմունք ունենալու են:

Ակումբին ու անդամներուն վերաբերող հրահանգ-կանոնէն զատ, վարչութիւնը նման կանոնագրութիւն մը կը պատրաստէ նաեւ ֆութպոլիստներուն համար:

1. Յառաջիկայ եղանակին Հ.Մ.Ը.Մ-ի այն անդամները որ ֆութպոլ պիտի խաղան, բարեհաճին Յուլիս 20էն մինչեւ Օգոստոսի վերջերը արձանագրուիլ Փիլիպոս Դերձակեանի մօտ:



1929. Գ.Ս.Ը.Մ-ի Հալէպի թենիսմէնսեր:

2. Հ.Մ.Ը.Մ-ի ֆութպոլիստները չեն կրնար ուրիշ խումբերու հետ, հայ կամ օտար, խաղալ կամ անոնց անդամակցիլ: Դպրոցականները բացառութիւն կը կազմեն:

3. Արձանագրուող ֆութպոլիստը պարտաւոր է եղանակը - խաղի ժամանակաշրջանը վերջացնել:

4. Հ.Մ.Ը.Մ-ի բոլոր ֆութպոլիստները պարտաւոր են ներկայ գտնուելու դասախօսութիւններուն՝ ֆութպոլի կամ այլ նրկի մասին:

5. Արձանագրուող բոլոր ֆութպոլիստները փորձերու համար նշանակուած օրերը կամ պաշտօնական խաղերուն ստիպուած են ներկայ ըլլալ:

6. Ֆութպոլիստը ինք պիտի հոգայ իր հագած տաբատը, կօշիկը, գուլպան:

7. Ֆութպոլիստներու շապիկը միութիւնը պիտի հոգայ:

8. Արձանագրուող իւրաքանչիւր ֆութպոլիստ պարտի վճարել 10 դրշ. որպէս մէկ տարուան վարձք շապիկի:

Հալէպի մասնաճիւղի վարչութիւնը, որ ընտրուած էր 1926 Օգոստոս 6ին, իր վերջին նիստը գումարելով 1927 Օգոստոս 6ին, քննել է ետք գանձապահին հաշիւները, պատրաստուած տեղեկագիրը՝ ներկայացնելու համար յաջորդ օրուան ընդհանուր անդամական ժողովին, իր օրակարգի ինդիքներուն լուծումէն ետք կ'աւելցնէ. «Այս վարչութիւնն էր որ Հ.Մ.Ը.Մ-ին ձեւ ու կերպարանք տուաւ Հալէպի մէջ: Օժտեց սեփական ակումբով ու դաշտով: Կահաւորեց ակումբը: Կազմակերպեց ֆութպոլի եւ սկստական խումբերը, միջազգային ողիմպիականը եւ իրականացուց Պէյրութ-Հալէպ ֆութպոլի խումբերուն հանդիպումը:

«Այսօր գոհ սրտով յաջորդ վարչութեան կը ձգէ կազմ ու պատրաստ մեքենայ մը՝ գայն աւելի լաւ աշխատցնելու եւ աւելի արդիւնաւոր դարձնելու համար: Վարչութեան ատենապետ Լուսեր Մասպանաճեան իր խօսքը վարչականներուն ուղղելով կ'ըսէ.



ՏԻՔԿՕ ՖՈՐԼԱՆ ՏԱՐՈՒՄԱՆ ԼԱՒԱԳՈՅՆ ՖՈՒԹՊՈՒԻՍՏԸ

լի սխալներ ու չի ստանար անիմաստ կոչեր:

Գ. Թորոյեան ՊԵՅՐՈՒԹ

Երբ ափրիկեան մոնտիալը կը սկսէր, վստահաբար ոչ ոք կ'ակնկալէր որ ուրուկուէյցի Ֆորլան պիտի յաջողի լուսարձակները իր վրայ կեդրոնացնել: Մոնտիալին ներկայ էին Մեսսին, Ռոնալտոն, Ռուպէնը, Թորէսը եւ այլն, եւ Ֆորլան իբրեւ համեստ խաղացող կը ներկայանար մոնտիալին: Ուրուկուէյի հաւաքականը մեծ յոյսեր կապած էր Ֆորլան-Սուարէզ գոյգին, եւ անոնց յաջողութենէն կախեալ էր խումբին ընթացքը:

Երեսուն օրերը բաւարար էին բոլոր հաշիւները խանգարելու: Մեսսի եւ Ռոնալսո գլխիկոր կը հեռանային: Թորէս եւ Ռուպէն ճիշդ է որ յաջողութեան կ'առաջնորդէին իրենց խումբերը, սակայն անոնք չէին յաջողեր Ֆորլանի նման ճակատագրական դեր ունենալ իրենց խումբերու յաջողութեան մէջ:

Տիէկօ Ֆորլանի Ուրուկուէյը առաջին հանգրուանին կը ըստեղծէր առաջին անակնկալը, երբ դուրս կը ձգէր Ֆրանսուսի եւ Մեքսիքայի հետ կ'անցնէր Բ. հանգրուան: Յաջորդ երկու հանգրուաններուն ուրուկուէյցիք, Ֆորլանի եւ Սուարէզի նշանակած կոչերուն շնորհիւ, քառասուն տարիներ ետք առաջին անգամ ըլլալով կը հասնէին կիսաւարտական, ուր անգիջող պայքարէ ետք կը պարտուէին Հոլանտայէն: Այս մրցումին Ֆլոր վայրկեանին նշանակուած կողմ հաւանաբար պիտի մնայ բոլոր մոնտիալներու գեղեցկագոյն կոչերէն մէկը: Անոր հեղինակը ուրուկուէյցի Տիէկօ Ֆորլանն էր: Ափսո՛ս, երրորդ դիրքի համար մրցումին, անոնք կրնային յաղթական դուրս գալ, եթէ իրենց բերդապահը չգործէր աններե-

Ո՞Վ Է ՏԻՔԿՕ ՖՈՐԼԱՆ

Ֆորլան ծնած է 19 Մայիս 1979ին, Մոնթեվիտէօ: Անոր հայրն ու մեծ հայրը եւս ֆուլթպոլիստներ եղած են: Ան առաջին հերթին կը միանայ արժանթինեան Ինտիփենտիընթ խումբին, ուր հռչակաւոր կը դառնայ իբրեւ լաւ կող-սքորըր: Երեք տարեշրջանի ընթացքին 91 մրցումի մասնակցելով, ան կը նշանակէ 40 կոլ: Եւ ահա արդէն եւրոպական ակումբներ կը ձգտին իրենց կազմին միացնել ուրուկուէյցին:

Ֆորլանի եւրոպական «Ճանապարհորդութեան» առաջին հանգրուանը կը հանդիսանայ Մ. Ետնայթրտը: 2001-2005 տարեշրջաններուն, Ետնայթրտի հետ ան կը կատարէ 98 մրցում եւ կը նշանակէ 17 կոլ միայն: Ետնայթրտի հետ «ինչ որ բան այն չէ»: Ֆորլան կը հեռանայ Անգլիայէն եւ կը միանայ Սպանիոյ Վիլլարէալին: Սպանական կազմին հետ Ֆորլան կը վերագտնէ կոլ նշանակելու իր յատկութիւնը: Երեք տարեշրջան Վիլլարէալին մաս կազմելով, անոր հետ կը կատարէ 128 մրցում եւ կը նշանակէ 59 կոլ: Իր առաջին տարեշրջանին, խաղընկերներուն հետ, խումբը պատմութեան մէջ առաջին անգամ ըլլալով կը հասցնէ Զէմփիրնդ Լիկի մրցաշարքին: Միեւնոյն տարին իր նշանակած 25 կոլերով կ'ընտրուի Սպանիոյ լաւագոյն կող-սքորըր:

Արդէն Սպանիոյ մէջ ճանչցուած այս ֆուլթպոլիստը կը լքէ Վիլլարէալը եւ 2007ին կը միանայ մայրաքաղաքի Աթլետիքոյին: Մատրիտեան կազմին հետ Ֆորլան յաջող ելոյթներ կ'ուսնենայ. ցարդ ան մասնակցած է 114 մրցումի եւ նշանակած է 72 կոլ: Անցնող տարեշրջանին ան իր խումբին հետ տիրացաւ Ետնայթրտի Լիկին, պարտութեան մատնելով անգլիական Ֆուլհէմը՝ 2-1 արդիւնքով: Յաղթանակի երկու կոլերն ալ նշանակեց

Ֆորլան:

Ֆորլան եւ իր խաղընկերները կը հասնին նաեւ Սպանիոյ բաժակի աւարտականին, սակայն անոնք Սեւիլլայէն կը պարտուին 2-0 արդիւնքով:

Ֆորլան ազգային խումբին կը միանայ 2002ին եւ նոյն տարին կը մասնակցի մոնտիալի՝ իր առաջին կողը նշանակելով Սենեկալի դէմ:

Հակառակ իր այս յաջողութիւններուն, ինչպէս նշեցինք, մոնտիալի նախօրեակին Ֆորլանի անունը այնքան ալ ծանօթ չէր Ֆուլթպոլի շրջանակներուն: Սակայն Ափրիկեան մոնտիալը ամէն

ինչ փոխեց: Ֆորլան դարձաւ ազգային հերոս: Այն ինչ որ իր հայրը չէր յաջողած իրագործել, այն ինչ որ Ֆրանչեսքոլի չէր յաջողած, Ֆորլան յաջողեցաւ իրագործել: Ան մոնտիալի լաւագոյն կող-սորորդներէն հանդիսացաւ 5 կողով: Ընտրուեցաւ մոնտիալի լաւագոյն Ֆուլթպոլիստ եւ ափրիկեան մոնտիալի «Երազային խումբ»ի («Տրիմ թիմ») անդամ: Վստահաբար, ոչ ոք պիտի մոռնայ Գերմանիա-Ուրուկուէյ մրցումի վերջին



վայրկեաններուն Ֆորլանի ուժգին հարուածը, որ ցնցեց Գերմանիոյ բերդին ձողերը:

Տիէկոն ցարդ ազգային խումբին հետ կատարած է 70 մրցում եւ նշանակած է 29 կոլ:

Ֆորլան ամուսնացած է: Ան նաեւ հասարակական գործունէութիւն ունի: Անդամ է Ալեիանտրո Ֆորլան հիմնադրամին, որ կը պայքարի ինքաշարժներ արագ քշելու երեւոյթին դէմ:

Հակառակ իր տարիքին, Ֆորլան տակաւին կը մնայ թէ՛ Աթլետիքօ Մատրիտի եւ թէ՛ Ուրուկուէյի ազգային

խումբի հիմնական տարրերէն մէկը: Յաջող մոնտիալին մասնակցութեան մասին խօսիլը տակաւին կանուխ է: Բայց ի դէմս բազմաթիւ խաղացողներու, ան կը մնայ արժանի յաւակնորդը ընտրուելու ո՛չ միայն Ափրիկէի մոնտիալին լաւագոյն խաղացողը, այլեւ՝ այս տարեշրջանի՝ 2009-2010ի լաւագոյն Ֆուլթպոլիստը:

with the complements of

Restaurant Al-Mayass



Հ.Մ.Ը.Մ.Ի ՊԱՂՏԱՏԻ ՄԱՄՆԱՃԻՒԻՆ ՇՐՋԱՆԱՅԻՆ 28ՐԴ ՄԱՐԶԱՀԱՆԴԵՍԸ

Թղթակից ՊԱՂՏՍՍ

Իրաքի Հայոց թեմի Առաջնորդ Աւագ Արք. Ասատուրեանի հովանաւորութեամբ եւ Հ.Մ.Ը.Մ.ի Պաղտատի մասնաճիւղին կազմակերպութեամբ, Հ.Մ.Ը.Մ.ի Շրջանային 28րդ մարզահանդէսը տեղի ունեցաւ 30 Սեպտեմբերէն 2 Հոկտեմբեր 2010, մասնակցութեամբ իրաքահայ գաղութի երեք շրջաններու մարզական պատուիրակութիւններուն՝ Հաւրէզք, Պասրա եւ Քէրքուկ:

Մարզահանդէսին առաջին օրը, առաւօտեան ժամը 10ին, հիւր պատուիրակութիւնները հասան Հ.Մ.Ը.Մ.ի Պաղտատի ակումբը, ուր դիմաւորուեցան ջերմ ծափահարութիւններով: Կէսօրին, անոնք ճաշի հիւրը եղան Հ.Մ.Ը.Մ.ի տիկնանց յանձնախումբին, որ երեք օրեր շարունակ սիրայօժար

ստանձնեց մարզահանդէսի մասնակիցներուն ճաշի պատրաստութիւնը:

Նոյն օրը, երեկոյեան, միութեան մարզադաշտին վրայ տեղի ունեցաւ շրջանային 28րդ մարզահանդէսին պաշտօնական բացումը:

Տէրունական աղօթքով բացումը կատարեց Մեսրոպ Քէնյ. Գաբրիէլեան: Ապա, վայրկեան մը յոտնկայս լուծեամբ ներկաները յարգեցին բոլոր նահատակներու յիշատակը:

Բացման խօսք արտասանեց Հ.Մ.



Իրաքի երիտասարդական հարցերու նախարարութեան ներկայացուցիչ Իսամ Տիուան:



Հ.Մ.Ի Պաղտատի մասնաճիւղի ատենապետ եղբ. Վահէ Միհրանեան: Ան բարի գալուստ եւ յաջողութիւն մաղթեց բոլորին:

Խօսք առաւ նաեւ Իրաքի երիտասարդական հարցերու նախարարութեան ներկայացուցիչը՝ Իսամ Տիուան: Ան դրուատական արտայայտութիւններ ունեցաւ Հ.Մ.Ը.Մ.Ի մարզական եւ սկստական աշխատանքներուն մասին:

Յաջորդեց դրօշակի արարողութիւնը: Հնչեց Իրաքի ազգային քայերգը եւ սկստական երէց եղբայրներ բարձրացուցին երկրի դրօշը: Շատեր չկարողացան զսպել իրենց ուրախութեան արցունքները...

Ապա, Հ.Մ.Ը.Մ.Ի Պաղտատի խանդավառ շեփորախումբին առջնորդութեամբ, կատարուեցաւ մարզական եւ սկստական խումբերու տողանցք: Իրաքի եւ Հ.Մ.Ը.Մ.Ի դրօշակներով տողանցեցին Հ.Մ.Ը.Մ.Ի Պաղտատի սկստական շարքերը եւ Հաւրէզքի, Պասրայի ու Քէրքուկի մարզիկ-մարզիկուհիները:

Օրուան հանդիսավարը՝ եղբ. Վաղինակ Վահանեան տողանցքը խանդավառեց ազգային ոգեշունչ խօսքերով: Հիւրընկալ վարչութեան խօսքը ներկայացուց առենադպիր եղբ. Պօղոս Գպրըճքեան: Ան պարզեց մասնաճիւղին ընթացիկ տարուան մարզական յաջողութիւնները եւ սկստական գլխաւոր իրադրձումները:



Այս առիթով կիրարկուեցաւ բաւական ճիշտ յայտագիր: Գայլիկ-արծուիկներ եւ մրջնիկներ ներայացուցին զըլարճալի խաղեր, երգեր ու արտասանութիւններ: Արի արենոյշներ եւ երէց-պարմանուհիներ կազմեցին բուրգեր՝ արժանանալով ներկաներու բուռն ծափահարութիւններուն:

Այնուհետեւ ընթացք առին մարզախաղերը՝ վոլիպոլ եւ պասքեթպոլ, մաս-





նակցութեամբ Հաւրէզքի, Պասրայի, Քէրքուկի մարզիկ-մարզիկուհիներու եւ Հ.Մ.Ը.Մ-ի Պաղտատի մասնաճիւղի քոյր-եղբայրներու:

Մարզախաղերու առաջին հանգրուանը եզրափակուեցաւ հայկական չորս հարստութիւններու նուիրուած սկաուտական շքերթով: Ներկայացուեցաւ նաեւ «Հինգերորդ հարստութիւնը»՝ Հ.Մ.Ը.Մ-ը, աշխարհասփիւռ իր 100 մասնաճիւղերով:

Շքերթը մեծ ոգեւորութիւն ստեղծեց ներկաներուն մօտ:

Պաղտատի մասնաճիւղի վարչութիւնը յուշանուէրներ փոխանցեց հիւր պատուիրակութիւններուն եւ մարզահանդէսը փակուեցաւ «Մեր հայրենիք»ով:

Մարզահանդէսէն ետք, ի պատիւ հիւրերուն տեղի ունեցաւ ընտանեկան հաւաքոյթ:

Յաջորդ օրը, առաւօտուն, տեղի ունեցաւ պատուիրակութիւններու ներկայացուցիչներու եւ մարզիչներու հանդիպումը Պաղտատի մասնաճիւղի վարչութեան հետ: Ատենապետ եղբ. Վահէ Միհրանեան հանդիպումին ներկայացուց մարզախաղերու կանոնադրութիւնը եւ յայտագիրը: Մարզախաղերը ընդգրկեցին հետեւեալները-

- Պասքեթպոլ- տղաք:
- Ֆութպոլ- տղաք:





- **Փինկ-փոնկ-** տղաք:
- **Թենիս-** տղաք եւ աղջիկներ:
- **Պատմինթրն-** տղաք եւ աղջիկներ:
- **Ճատրակ-** տղաք եւ աղջիկներ:
- **Վոլիպոլ-** տղաք եւ աղջիկներ:

Մարզախաղերուն նպատակը, անշուշտ, մետալներ չահիլը չէր, այլ՝ Իրաքի դժուարին պայմաններուն մէջ հայ երիտասարդութիւնը քով-քովի բերել հայաշունչ մթնոլորտի մէջ:

Նոյն օրը, երեկոյեան, տեղի ունեցաւ մարզախաղերու փակումը, ուր կատարուեցաւ յաղթականներու մետալներու տուչութիւն: Յաջորդեց ողջերթի ընտանեկան հաւաքոյթը:

Մարզահանդէսին երրորդ օրը եղաւ ազատ օր: Հիւրերը Պաղտատի Հայ Երկսեռ Երիտասարդաց Միութեան հրակէր ստացան վայելելու իրենց լողաւզանը: Նոյն օրը երեկոյեան տեղի ունեցաւ պարահանդէս, կազմակերպութեամբ Պաղտատի մասնաճիւղի վարչութեան:

Մարզախաղերը աւարտեցան բարձր տրամադրութիւններով, ազգային ոգեւորութեան եւ Հ.Մ.Ը.Մ.ական խանդավառութեան լաւագոյն զգացումները սփռվելով Պաղտատի գաղութին եւ իրաքահայ մնացեալ շրջաններու հիւր պատուիրակութիւններուն մօտ:





Հ.Մ.Ը.Մ.Ի ԱՐԵՒՄՏԵԱՆ Մ. ՆԱՀԱՆԳՆԵՐՈՒ 31ՐԴ ՇՐՋԱՆԱՅԻՆ ՆԵՐԿԱՅԱՑՈՒՑՉԱԿԱՆ ԺՈՂՈՎԸ

**Մարո Քէշիշեան
ԼՈՍ ԱՆՃԵԼՏՍ**

ՀՄԸՄ-ի Արեւմտեան Միացեալ Նահանգներու Շրջանային Վարչութեան գրասենեակէն կը տեղեկացնեն, թէ նորընտիր Շրջանային Վարչութիւնը իր դիւանը ընտրած է հետեւեալ ձեւով՝ Գառնիկ Աբրահամեան՝ ատենապետ, Փիէր Մանուկեան՝ փոխ ատենապետ, Բաֆֆի Յնծալեան՝ ատենադպիր, Ռիմա Աբեղի-Սաղրեան՝ գանձապահ, Խորհրդակալներ՝ Նորա Չափարեան, Թովմաս Տէօքմէճեան, Վիգէն Տազէսեան, Ալէք Արարատեան եւ Շահիկ Աղաբաբեան:

Շրջանի Հ.Մ.Ը.Մ-ի 19րդ Շրջանային Վարչութիւնը ընտրուեցաւ Հ.Մ.Ը.Մ-ի Արեւմտեան Միացեալ Նահանգներու 31րդ Շրջանային Ներկայացուցչական ժողովին կողմէ, որ տեղի ունեցաւ 5-7 Նոյեմբեր 2010ին, առաջին անգամ ըլլալով Հ.Մ.Ը.Մ-ի կեդրոնէն ներս, նորակառոյց «Գէորգ Անտոնեան» սրահին մէջ:

Շրջանի Հ.Մ.Ը.Մ-ի բարձրագոյն այս ժողովին Հ.Մ.Ը.Մ-ի 17 մասնաճիւղերէն կը մասնակցէին շուրջ 110 ընտրեալ ներկայացուցիչներ եւ 25է աւելի հրաւիրեալներ: Հ.Մ.Ը.Մ-ի կեդրոնական Վարչութեան լիազօր ներկայացուցիչն էր եղբ. Վահրամ Դանիէլեան: Ժողովին ներկայ գտնուեցան նաեւ

Հ.Մ.Ը.Մ-ի կեդրոնական Վարչութեան փոխ ատենապետ եղբ. Գօգօ Պալեան, Հ.Յ.Դ կեդրոնական Կոմիտէի ներկայացուցիչ, Հ.Մ.Ը.Մ-ական Յակոբ Թիւֆէնքճեան, Հ.Մ.Ը.Մ-ի բարերար տիկին Ալիս Անտոնեան եւ զաւակը՝ Հ.Մ.Ը.Մ-ական եւ անցեալի Նաւասարդեան մարզախաղերու պատուոյ նախագահ եղբ. Հրաչ Անտոնեան, Հ.Մ.Ը.Մ-ի Նաւասարդեան 35րդ Մարզախաղերու պատուոյ նախագահ եղբ. Ժորժ Ա. Ժամկոչեան, 2010ի «Տիպար Հ.Մ.Ը.Մ-ական» եղբ. Պերճ Ծամճեան, անցեալի Նաւասարդեանի պատուոյ նախագահներ եւ «Տիպար Հ.Մ.Ը.Մ-ական»ներ:

Բարի գալուստի խօսքերով ժողովին բացումը կատարեց ընթացաւարտ Շրջանային Վարչութեան ատենապետ եղբ. Սթիւ Արթինեան: Ապա, շնորհակալական ելոյթ ունեցաւ եղբ. Հրաչ Անտոնեան, որ մօր՝ Ալիսին եւ Անտոնեան գերզաստանին անուանով շնորհակալութիւն յայտնեց Շրջանային Վարչութեան եւ կեդրոնական Վարչութեան փոխ ատենապետին, որոնք առիթը ընծայած էին հօրը՝ Գէորգ Անտոնեանի յիշատակին անուանակոչելու կեդրոնին սրահը, ուր առաջին անգամ ըլլալով կը գումարուէր շրջանի Հ.Մ.Ը.Մ-ի բարձրագոյն ժողովը:

Այնուհետեւ եւ յաջորդական երեք օրեր, ժողովը ստացաւ բնական ընթացք:

Ատենապետներ ընտրուեցան եղբայրներ Արմէն Աբրահամեան եւ Մհեր Դաւիթեան, իսկ ատենադպիրներ՝ քոյրեր



Մարալ Մանուկեան, Սիրվա Գրիգորեան եւ Լուսի Սանոսեան:

ժողովականներու լիազօրագիրներու ստուգումէն ետք, տեղի ունեցաւ խորհրդակցական ձայնով հրաւիրեալներու ընտրութիւնը, որուն յաջորդեց քուէախոյզ, բանաձեւի եւ նախահաշիւի յանձնախումբերու կազմութիւնը: Երկու հանգրուանով կարգացուեցան ընթացաւարտ Շրջանային Վարչութեան երկամեայ գործունէութեան բարոյական եւ նիւթական տեղեկագիրները: Ընթերցուեցան նաեւ հաշուեքննիչ եւ արխիւային յանձնախումբերու գեկոյցները: Իսկ լուսաբանական հարց ու պատասխաններէն ետք ժողովականներուն առիթ տրուեցաւ ընթացաւարտ Շրջանային Վարչութեան երկամեայ գործունէութեան ըստ էութեան քննարկումը կատարելու: Արտայայտուող ժողովականները որոշ մատնանշումներ կատարելով հանդերձ, գնահատեցին Շրջանային Վարչութեան երկամեայ գործունէութիւնը, յատկապէս սկստական, մարզական, դաստիարակչական եւ ռազմավարական ծրագրումի աշխատանքներէն ներս: Բացառիկ գնահատանքի արժանացաւ յատկապէս շրջանը նոր սրահով մը օժտելու իրագործումը:

Այնուհետեւ, ժողովականները յանձնախումբերու բաժնուեցան եւ քննեցին Հ.Մ.Ը.Մ-ի կազմակերպչական, դաստիարակչական, մարզական, սկստական, Նաւասարդեան ձեռնարկները, հանրային կապը եւ բանակավայրի առըն-



Զախէն Աջ՝ եղբայրներ Վահրամ Դանիւլեան, Յակոբ Թիւնքճեան եւ Գօգօ Պալեան:



Զախէն աջ՝ Զրաչ Անտոնեան, Ալիս Անտոնեան եւ Գործ Ա. Ժամկոչեան:



չըող մարզերը եւ ժողովին առ ի վաւերացում ներկայացուցին իրենց առաջարկները:

Ժողովին կողմէ որդեգրուած բոլոր առաջարկներն ալ կը նպատակադրէին Հ.Մ.Ը.Մ.ի հոգածութեան յանձնուած երիտասարդութիւնը դաստիարակելու եւ անոնց առողջ միջավայր մը ապահովելու գործին, ինչպէս նաեւ՝ մասնաճիւղերը կազմակերպելու, միջ-մասնաճիւղային եւ միջ-չրջանային աշխատանքները աւելի զարգացնելու, Նաւասարդեան մարզախաղերը ընդլայնելու եւ յատկապէս՝ Հայրենիք-Սփիւռք գործունէութիւնը ընդարձակելու հրամայականը իրականացնելու գործին:

Կիրակի, 7 Նոյեմբերի յետմիջօրէին, նախքան վերջին օրակարգի իրագործումը, տեղի ունեցաւ Ամերիկեան Սկաուտութեան «Տախտակ Պէճ»ի (Wood Bedge) դասընթացքներուն հետեւած եւ զանոնք յաջողութեամբ աւարտած երեք քոյր-եղ-

բայրներու համապատասխան փողկապներու յանձնումը: Արարողութիւնը գլխաւորեց դասընթացքներու ընդհանուր խմբապետ եղբ. Վարուժ Միրզայեան, աջակցութեամբ նոյն դասընթացքի դասախօսական կազմի անդամ քոյր Մարօ Քէչիշեանի:

Այսպէս, ամերիկեան սկաուտութեան «Տախտակ Պէճ»ի իրենց թաշկինակը, փողկապն ու երկու տախտակները ստացան քոյր Շաքէ Գալայճեան, եղբ. Բաֆֆի Յնծալեան եւ եղբ. Վրէժ Թասլաքեան: Արարողութեան մասնակցեցան ժողովին ներկայ եւ «Տախտակ Պէճ»ի արժանացած բոլոր քոյր-եղբայրները:

Արարողութիւնը տպաւորիչ էր, ինչ որ բարձր գնահատուեցաւ ժողովականներուն կողմէ:

Այնուհետեւ, յառաջիկայ Շրջանային Վարչութեան երկամեայ գործունէութեան նախահաշիւին վաւերացումէն ետք, տեղի ունեցաւ Շրջանային Վարչութեան ընտրութիւնը, որ աւարտեցաւ հետեւեալ 9 քոյր-եղբայրներու ընտրութեամբ.- Գառնիկ Աբրահամեան, Փիէր Մանուկեան, Ռիմա Աբեղի-Սաղրեան, Թովմաս Տէօքմէճեան, Վիգէն Տագէսեան, Ալէք Արարատեան եւ Նորա Զափարեան:

Հ.Մ.Ը.Մ.ի Կեդրոնական Վարչութեան անունով շնորհաւորական ելոյթ ունեցաւ եղբ. Վահրամ Դանիէլեան, որ առաջին հերթին շնորհաւորեց ընթացաւարտ Շրջանային Վարչութիւնը իր գնահատելի գործունէութեան, իսկ դիւանը՝ ժողովը ձեռնահաստի վարե-



Ընթացաւարտ Շրջանային Վարչութիւնը ժողովի ընթացքին:

լուն համար: Ան յաջողութիւն եւ բե-
ղուն գործունէութիւն մաղթելով
նորընտիր Շրջանային Վարչութեան
ըսաւ. «Արեւմտեան Մ. Նահանգնե-
րու այս շրջանը Հ.Մ.Ը.Մ.ի մեծա-
գոյն շրջանն է, որ գնահատելի աշ-
խատանք կը տանի: Կ'ըսուի պէտք է
քայլ պահել ներկայի հետ եւ արդի
միջոցներով հրապուրել երիտասար-
դութիւնը: Սակայն պէտք է զգոյշ ըլ-
լալ, որովհետեւ ձեր առջեւ կան մար-
տահրաւէրներ, որոնք եթէ լաւապէս
չգիմակալուին, կրնան վնաս հասցը-
նել այս միութեան: Եթէ Հ.Մ.Ը.Մ.ը
իր վարդապետութիւնը մէկդի դնե-
լով միայն այսօրուան հետ քայլ պի-
տի պահէ՝ ապա մենք շեղած կ'ըլլանք
մեր հիմնադիրներու գծած ուղիէն:
Մենք պէտք է լաւը քաղենք այսօր-
ուան յառաջդիմութիւններէն: Օգ-
տագործեցէք ներկայի լաւ միջոցնե-
րը, միաժամանակ պաշտպանելով
այն ինչ որ տարիներու ընթացքին
վաստկեցիք, որպէսզի առաւել հզօրացնէք այս մեծ կազմա-
կերպութիւնը՝ Հ.Մ.Ը.Մ.ը»:



Ձախէն աջ՝ եղբայրներ Ալպեր Ունճեան,
Յակոբ Կարապետեան եւ Սամուէլ Սկրտիչեան:

Եռօրեայ նստաշրջանը վերջ գտաւ Կիրակի, 7 Նոյեմբերի
երեկոյեան, Հ.Մ.Ը.Մ. «Յառաջ նահատակ» քայլերգով:

*'Made from one single slice
of natural Australian opal'*

Classique
OPAL DIAL WATCH

Sarkis Der Bedrossian

*Sams Watchmaker Jeweller Pty. Ltd.
123 Clarence Street
Sydney 2000
Australia*

*Phone: +61 2 9290 2199
fax: +61 2 9262 1630
Website: www.classiquewatches.com
Email: Info@classiquewatches.com*



Հ.Մ.Ը.Մ.Ի «ՀԱՅԻ ՊՕՂՈՍ ԱՐԻՍ» ԽՈՏԱԾԱԾԿ ԴԱՇՏԻՆ ԲԱՑՈՒՄԸ



Բազման հանդիսութեան ներկայ հայ թէ արաբ հիւրեր:

Հ.Մ.Ը.Մ.ականներ, համակիրներ եւ Հ.Մ.Ը.Մ.ի ֆուլթայլի նորաստեղծ դպրոցի սաներ:

Դաշտին բացումը կատարուեցաւ Լիբանանի քաղերգով, զոր նուագեց Հ.Մ.Ը.Մ.ի Այնճարի շեփորահուժը: Նուագին յաջորդեց Հ.Մ.Ը.Մ.ի քայլերգին՝ «Յառաջ նահատակ»-ի ունկնդրութիւնը: Ապա, բացման ժապաւէնը հատեցին Հ.Մ.Ը.Մ.ի Լիբանանի Շրջանային Վարչութեան ատենապետ եղբ. Յակոբ Քէշիշեան եւ Ձէյտ Խիամէ:

Թղթակից ՊՈՒՐՑ ՀԱՍՈՒՏ



Հ.Մ.Ը.Մ.ի Լիբանանի Շրջանային Վարչութեան եւ Շրջանային ֆուլթայլի յանձնախումբին կազմակերպութեամբ եւ երիտասարդութեան ու մարմնակրթութեան նախարարութեան ընդհանուր տնօրէն Ձէյտ Խիամէի հովանաւորութեամբ, Շաբաթ, 27 Նոյեմբեր 2010ի յետմիջօրէի ժամը 3.30ին բացումը կատարուեցաւ Հ.Մ.Ը.Մ.ի «Հայր Պօղոս Արիս» ֆուլթայլի խոտածածկ դաշտին:

Բացման հանդիսութեան ներկաներու շարքին էին Ձէյտ Խիամէ, Հ.Մ.Ը.Մ.ի Կեդրոնական Վարչութեան ատենապետ եղբ. Գրիգորիս Պողարեան եւ Կեդրոնական Վարչութեան անդամ եղբ. Միհրան Շիմշիրեան, Հ.Յ.Դ. Լիբանանի Կեդրոնական Կոմիտէի անդամ

Գառնիկ Մկրտիչեան, Պուրճ Համուտի քաղաքապետ Անդրանիկ Մսրրլեան, Հ.Մ.Ը.Մ.ի Կեդրոնական Վարչութեան նախկին անդամ եղբ. Ստեփան Տէր Պետրոսեան, Պուրճ Համուտի, Պէյրութի եւ Այնճարի քաղաքապետական խորհուրդներու անդամներ, Փրանսախօս երկիրներու կազմակերպութեան փինկ-փոնկի Ֆետերասիոնի նախագահ Միշէլ Տը Շատարեւեան, Լիբանանի հեծելարչաւի Ֆետերասիոնի նախագահ եղբ. Վաչէ Ծատուրեան, փինկ-փոնկի Ֆետերասիոնի նախագահ Սեյիմ Հաթ Նիքոլա, ճատրակի Ֆետերասիոնի նախագահ Նեպիլ Սըննօ, ֆուլթայլի Ֆետերասիոնի ընդհանուր քարտուղար Ռահիֆ Ալամէ, մեծ թիւով

խօսքով հանդէս եկաւ Հ.Մ.Ը.Մ.ի Լիբանանի Շրջանային Վարչութեան անդամ քոյր Սիրվա Սաղըրեան: Ան ողջունեց հիւրերը՝ նշելով, որ խոտածածկ այս դաշտով Հ.Մ.Ը.Մ.ի ֆուլթայլի պատմութեան մէջ բացուած է նոր էջ:

«Այս դաշտը կը պատկանի նոր սերունդին, որուն մենք հոգ պիտի տանինք, որպէսզի անիկա յաղթանակներու գագաթնակէտին հասնի եւ Հ.Մ.Ը.Մ.ի փառքը վերահաստատէ», ըսաւ քոյրը:



Շարունակելով, քոյր Սաղըրեան նշեց, որ առ ի երախտագիտութիւն Հ.Մ.Ը.Մ.ական վաստակաշատ նախկին ֆուլթայլիստներու, որոնք կերտած են ո՛չ միայն Հ.Մ.Ը.Մ.ի, այլև լիբանանեան



Քոյր Սիլվա Ասղբրեան



Եղբ. Սիշլի Տիգ խորոզեան



Եղբ. Յակոբ Քէշիշեան



Բացման ժապատեցը կը հատեն Լիբանանի երիտասարդութեան ու մարմնակրթութեան նախարարութեան ընդհանուր տնօրէն Ջէյտ Խիամէ, Հ.Մ.Ը.Մ-ի Շրջանային Վարչութեան ատենապետ եղբ. Յակոբ Քէշիշեան եւ Լիբանանի Գործադիր Ֆետերասիոնի ընդհանուր քարտուղար Ռահիֆ Ալամէ:



Լիբանանի երիտասարդութեան ու մարմնակրթութեան նախարարութեան ընդհանուր տնօրէն Ջէյտ Խիամէ կ'արտասանէ իր խօսքը:

Ֆուլթայրլի փառքի օրերը, Լիբանանի Շրջանային Վարչութիւնը որոշած է նորաստեղծ Ֆուլթայրլի դպրոցին խումբեր կոչել անոնց անունով: Այդ Ֆուլթայրլիստներէն են՝ Վազգէն Տէր Դուկասեան, Եղիշէ Մանուկեան, Ժողէֆ Նալպանտեան, Սարգիս Ազնաւուրեան, Սարգիս Սարգիսեան եւ Մանուէլ Ալթունեան:

Հանդիսութեան հայերէնով բացման խօսքը արտասանեց Հ.Մ.Ը.Մ-ի Լիբանանի Շրջանային Վարչութեան անդամ եղբ. Միշէլ Տիգ խորոզեան: Ան յայտնեց, որ Հ.Մ.Ը.Մ-ի դաշտին դռները բաց են բոլորին առջեւ անխտիր: «Այդ դաշտէն ծնունդ պիտի առնէ վաղուան մեր սպասած Ֆուլթայրլի խումբը՝ փայլուն

աստղերով: Հ.Մ.Ը.Մ-ի համար նպատակը տկարութիւն չի ճանչնար», հաստատեց ան:

Ապա խօսք առաւ Լիբանանի Շրջանային Վարչութեան ատենապետ եղբ. Յակոբ Քէշիշեան: Եղբայրը յայտնեց, որ Հ.Մ.Ը.Մ. սկսած է վերակազմել իր շրջաններու եւ տարիքային Ֆուլթայրլի խումբերը, որոնց կողքին կայ նաեւ Ֆուլթայրլի դպրոցը, որպէսզի կարելի ըլլայ տարիքային ախոյեանութիւններ կազմակերպել եւ լաւագոյն Ֆուլթայրլիստները ընտրել՝ կազմելու համար Ֆուլթայրլի ապագայի գորաւոր խումբը:

Եղբ. Քէշիշեան շեշտեց, որ Ֆուլթայրլի դպրոցը եղանակային չէ, այլ՝ ան կը գործէ ամբողջ տարուան ընթացքին:

Ան մաղթեց, որ լիբանանեան բոլոր խումբերը ունենան իրենց սեփական դաշտերը եւ նոր սերունդը հեռու պահեն ընկերութեան չարիքներէն:

Եզրափակելով, եղբայրը իր խօսքը ուղղեց Լիբանանի մարզական ընտանիքին, յատկապէս՝ Ֆուլթայրլի պատասխանատուներուն: «Մենք հասակ նետող ծաղիկի հունտը ցանցինք եւ բոլոր փուշերը մեզի, իսկ վարդերը ձեզի թող ըլլան», ըսաւ ան եւ շնորհակալութիւն յայտնեց բոլոր անոնց, որոնք օժանդակեցին դաշտին շինութեան:

Իր կարգին, Ջէյտ Խիամէ յայտնեց, որ Հ.Մ.Ը.Մ-ի մարզիկները բազմաթիւ յաղթանակներ եւ ախոյեանութիւններ ձեռք ձգած են տեղական, արաբական



Ph.Raffi Berberian

ու ասիական առուժով, իսկ երկար ժամանակ Հ.Մ.Ը.Մ.ի մարզիկները մաս կազմած են Լիբանանի ազգային հաւաքականին:

Խիստ է հաստատեց, որ իրեն վայել դիրքէն Հ.Մ.Ը.Մ.ի բացակայութիւնը

պատճառ դարձաւ, որ Լիբանանի մէջ Ֆուլթայրի մակարդակը աստիճանաբար նահանջ արձանագրէ:

Երիտասարդութեան եւ մարմնակրթութեան նախարարութեան ընդհանուր տնօրէնը մաղթեց, որ նոր մարզա-

դաշտին բացումը նոր սկիզբ մը ըլլայ եւ նոր էջ մը բանայ Հ.Մ.Ը.Մ.ի Ֆուլթայրի պատմութեան մէջ: Այս առիթով, ան իր շնորհակալութիւնները փոխանցեց միութեան պատասխանատուներուն, անդամներուն եւ մարզիկներուն:

Խօսքերէն ետք, Հ.Մ.Ը.Մ.ի Ֆուլթայրի դպրոցի աշակերտները կատարեցին մարզական ցուցադրական փորձեր:

Տեղի ունեցաւ նաեւ հիւրասիրութիւն, որմէ ետք կատարուեցաւ յատուկ վիտէօ երիզի ցուցադրութիւն, որուն ընդմէջէն ներկայացուեցան դաշտին շինութեան տարբեր հանգրուանները:

(Լուսանկարները՝ «Photo Raffi»ի)

ARMENIA

for private and group trips

www.saberatours.fr

Saberatours Sevan Voyages

WITH THE COLLABORATION OF THE NEW AIRLINE COMPANY

Armavia
Արմավիա

Photos: © Yann Arthus-Bertand / La Pierre vue du Ciel. Licence 075 960031 - StudioVCCB 2005 P&S

Direct Flights
PARIS
YEREVAN
PARIS

Select
your Journey

Guided Tours
for 8 Days
or 12 Days

11, rue des Pyramides
75001 Paris
tel 331 42 96 10 10
fax 331 42 96 18 77
saberatours@selectour.com

48, cours de la Liberté
69003 Lyon
tel 334 78 60 13 66
fax 334 78 60 92 26
sevan@selectour.com

67, La Canebière
13001 Marseille
tel 334 95 09 30 60
fax 334 95 09 30 61
marseille@wasteels.fr

32-38, rue Hanrabedoutian
Yerevan
tel 374 10 52 55 55
fax 374 10 56 40 30
sabera@arminco.com



Հ.Մ.Ը.Մ.Ը ՆՈՒԻՐՈՒՄ Է

Հ.Մ.Ը.Մ.Ը Լիբանանի Շրջանային Վարչութեան նախաձեռնութեամբ, Կիրակի, 28 Նոյեմբեր 2010ին, Պէյրութ Ս. Նշան Մայր եկեղեցւոյ մէջ տեղի ունեցաւ հոգեհանգստեան պաշտօն՝ Հ.Մ.Ը.Մ.Ը բոլոր նմանակներու հոգիներուն համար:

Աւանդութիւն դարձած հոգեհանգստեան պաշտօնին ներկայ էին Հ.Մ.Ը.Մ.Ը Կեդրոնական Վարչութիւնը, Լիբանանի Շրջանային Վարչութիւնը, մասնաճիւղերու վարչութիւնները, Շրջանային Սկաուտական Խորհուրդն ու Խմբապետական կազմը, նախկին Կեդրոնական եւ Շրջանային վարչութիւններու անդամներ, վեթերան քոյրեր եւ եղբայրներ, մարզիկներ ու սկաուտներ:

Հոգեհանգստեան արարողութեան նախագահեց ու քարոզեց Լիբանանի Հայոց Թեմի Առաջնորդ Գեղամ Արք. Խաչերեան:

Իր քարոզին մէջ Առաջնորդը գնահատեց Հ.Մ.Ը.Մ.Ը.ականին ծառայելու արժանիքը եւ իր ընտանիքէն աւելի մեծ ընտանիքին՝ միութեան նուիրումի երեւոյթը:

Յետ հոգեհանգստեան պաշտօնին, Առաջնորդարանի դահլիճին մէջ, Հ.Մ.Ը.Մ.Ը Կեդրոնական Վարչութեան անդամներն ու Լիբանանի Շրջանային Վարչութիւնը ընդունեցին ցաւակցութիւններ, որոնց ընթացքին Հ.Մ.Ը.Մ.Ը Լիբանանի Շրջանային Վարչութեան ատենապետ եղբ. Յակոբ Քէշիշեան արտասանեց հետեւեալ խօսքը:

Աւանդուլիւն դարձուցինք ամէն տարուան Նոյեմբեր ամսուան մէջ Հ.Մ.Ը.Մ.Ը ընտանիքէն յաւատարմութեամբ մեր նահատակ եւ մահացած քոյր-եղբայրներուն յիշա-

տակը անմահացնել հոգեհանգստեան արարողութեամբ:

Գիտակից իր կոչումին, Հ.Մ.Ը.Մ.Ը կը յարգէ յիշատակը եւ կը գնահատէ նախորդներուն կտրած ուղին, ու անոնց կատարած անձնուէր գործերը վառ պահելով՝ կը շարունակէ իր ընթացքը, հաւատարմով ապագային, իր ներկան վերածելով նուիրումի:

Հ.Մ.Ը.Մ.Ը նուիրում է սիրելիներ, եւ մենք եկած ենք այսօր այդ նուիրեալներուն յիշատակը անմահացնելու:

Երէկ ականատես եղանք Հ.Մ.Ը.Մ.Ը Ֆուլթայլի «Հայր Պօղոս Արիս» դաշտի բացման հանդիսութեան, հոն մենք անմահացուցինք մեր անցեալի վեթերան կարգ մը եղբայրները, որոնք տարիներու իրենց ընծայաբերումով ու քրտինքով, յաղթանակներ ու պարծանքի անզուգական պահեր ընծայեցին լիբանանահայութեան ընդհանրապէս եւ Հ.Մ.Ը.Մ.Ը-ին մասնաւորապէս:

Հ.Մ.Ը.Մ.Ը Ֆուլթայլի նոր դպրոցին հետեւող մարզիկներուն տարիքային խումբերը անուանակոչեցինք Եղիշէ Մանուկեանի, Վազգէն Տէր Ղուկասեանի, Սարգիս Ազնաւուրեանի, Սարգիս Սարգիսեանի, ԺողէՖ Նալպանտեանի եւ Մանուէլ Ալթունեանի անուններով, որոնք խումբ մըն են միայն Հ.Մ.Ը.Մ.Ը անծայրածիր անջրպետին մէջ գտնուող փայլուն ու չմարող աստղերէն:

Մեզմէ յաւատարմութեամբ նահատակ ու մահացած սիրելի քոյրեր ու եղբայրներ, որ անդենականէն այժմ կը դիտէք մեզ ու կը հետեւիք մեր աշխատանքներուն, կը խոստանանք ու կը վստահեցնենք, որ ձեր բոցավառած ջահը, զոր փոխանցեցիք մեզի, միեւնոյն կամքով ու հաւատքով պիտի փոխանցենք յաջորդող սերունդներուն:

Հ.Մ.Ը.Մ.Ը Լիբանանի ընտանիքին անունով կը խոնարհինք ձեր վսեմ յիշատակին առջև:

Խոնկ ու մոմ ձեր անթառամ յիշատակին:



ՔՈՅՐ ԼՈՒՄԻՆ ԳԱԶԷԶԵԱՆ ԿԸ ՊԱՐԳԵԲԱՏՐՈՒԻ ԼԻՐԱՆԱՆԻ ՄԿԱՌԻՏԱԿԱՆ ՖԵՏԵՐԱՄԻՈՆԻՆ ԿՈՂՄԷ

Թղթակից
ՊՈՒՐԳ ՀԱՍՈՒՏ

Լիբանանեան սկառուտական կեանքին մեծ ներդրում ունեցած 25 վաստակաշատ ղեկավարու հետ, Շաբաթ, 4 Դեկտեմբեր 2010ին, Հ.Մ.-Ը.Մ.Ի Լիբանանի շրջանի երկարամեայ խմբապետուհիներէն քոյր Լուսին Գազէզեան արժանացաւ Լիբանանի սկառուտական ֆետերասիոնի պարգեւատրման:

Պարգեւատրման հանդիսութիւնը տեղի ունեցաւ Անթունիէ Գոլէճին մէջ, հովանաւորութեամբ Լիբանանի երիտասարդութեան եւ մարմնակրթութեան նախարար Ալի Ապտալլայի, կազմակերպութեամբ Լիբանանի սկառուտական ֆետերասիոնի եւ ներկայութեամբ Հ.Մ.-Ը.Մ.Ի Լիբանանի Շրջանային Վարչութեան, Շրջանային Սկառուտ. Խորհուրդի եւ Պուրճ Համուտի մասնաճիւղի վարչութեան ներկայացուցիչներուն:

Հանդիսութեան բարի գալուստի խօսքը արտասանեց օրուան հանդիսավար Նապիլ Պայտուն: Ան յայտնեց, որ պարգեւատրեալները անսակարկ նուիրումով եւ յարատեւ աշխատանքով լիբանանեան սկառուտութեան ծառայած են իրենց պատկանած միութիւններուն ընդմէջէն:

Խօսք առաւ Լիբանանի ըսկառուտական ֆետերասիոնի նախագահ Քամալ Սայիտ Ֆախրը: Ան նշեց, որ պարգեւատրումը հաւատարմութիւն ու գնահատանք է, եւ ֆետերասիոնի նախաձեռնութիւնը, իբրեւ



այդպիսին, կը ներկայանայ պարգեւատրելու առաջնակարգ խմբապետները՝ վաղուան Լիբանանին եւ յուսալից ապագայի նկատմամբ իրենց տարած աշխատանքին համար:

Յաջորդեց մետալներու եւ վկայագիրներու բաշխումը:

Այնուհետեւ, պարգեւատրեալներուն անունով խօսք առաւ Իսամ Ապու

Շաքրա, որ անդրադարձաւ սկառուտի պարտականութեան եւ տարած աշխատանքին՝ հաստատելով, որ սկառուտը միշտ եղած է անկեղծ իր խօսքերով եւ հաւատարիմ՝ իր գործով:

Հանդիսութեան եզրափակիչ խօսքը արտասանեց երիտասարդութեան եւ մարմնակրթութեան նախարար Ալի Ապտալլա: Ան ըսաւ, որ սկառուտութիւնը կազմակերպուած միութիւն մըն է, որ իր ազդեցութիւնը ունի հաւաքական մեր կեանքին մէջ՝ իր մանկութենէն դաստիարակելով անհատը: Ան հաստատեց, որ սկառուտութիւնը ամէնէն վեհանձն գոհողութեան գործն է, գոր մարդ կրնայ ընել իր հայրենիքին նըկատմամբ եւ սերունդներ դաստիարակելու գործին մէջ:



ԼԻՔԱՆԱՆԻ ՇՐՋԱՆԱՅԻՆ ԽՄԲԱՊԵՏՈՒԹԵԱՆ ԵՐԷՑ-ՊԱՐՄԱՆՈՒՀԻ ՃԻՒՂԵՐՈՒ ՄԻՋ-ՄԱՍՆԱՃԻՂԱՅԻՆ ԵՐԿՕՐԵԱՅ ԱՐՇԱՒ-ԲԱՆԱԿՈՒՄԸ

Շաբաթ, 4 եւ Կիրակի, 5 Դեկտեմբեր 2010ին, Հ.Մ.Ը.Մ.ի Լիբանանի Շրջանային Խմբապետութեան կազմակերպութեամբ, տեղի ունեցաւ երէց-պարմանուհի ճիւղերու միջ-մասնաճիւղային երկօրեայ արշաւ-բանակումը, գլխավորութեամբ Շրջանային երէց ճիւղի խմբապետ եղբ. Շանթ Տէմիրճեանի:

Այս արշաւին նպատակն էր մասնակցողներուն մօտ զարգացնել սկստական չարքաշուկեան եւ մրցակցութեան ոգին, ինչպէս նաեւ՝ առիթ տալ բնութեան մէջ իրազործելու իրենց սորված գիտելիքները:

Երկօրեայ արշաւ-բանակումին իրենց մասնակցութիւնը բերին Հ.Մ.Ը.Մ.ի Պէյրութի, Պուրճ Համուտի, Անթիլիասի եւ ժրտէյտէի մասնաճիւղերէն 35 քոյրեր եւ եղբայրներ:

Երէցներն ու պարմանուհիները Լաքլուքի շրջանէն քալելով անցան Պալապի շրջանը: Երեկոյեան, Պալապի մէջ անոնք լարեցին իրենց վրանները, ընթրեցին, ապա կատարեցին աւանդական խարուկահանդէսը, որուն ընթացքին անդրադարձան արշաւի ընթացքին իրենց ունեցած արկածախնդրութիւններուն:

Առաւօտեան կանուխ ժամերուն, բոլորը շարունակեցին իրենց արշաւը դէպի Թաննուրին Ֆաուքա. ճամբու ընթացքին մասնակցողները օգտագործեցին իրենց սորված քարտիսագիտութիւնը եւ գործնականօրէն կիրարկեցին ձի. Փի. Էս.ի գործադրութիւնը:

Կիրակի, յետմիջօրէին ժամը 3.45ին, երէցներն ու պարմանուհիները թէեւ յոգնած, բայց խանդավառ ու գոհունակ վերադարձան իրենց սկումբները:

The Champs Élysées just steps away and the Parc Monceau nearby

HOTEL

★ ★ ★

PAVILLON MONCEAU

PARIS

*Full of charme,
Tastefully decorated 36 rooms
and 6 suites with individual
heating / air conditioning,
direct access telephone line,
internet connection, minibar,
safety box and satellite TV.
Private bathroom with hairdryer.
The suites can accommodate
3 adults or a family
with parents and 2 children.*

43 rue Jouffroy d'Abbans 75017 Paris
Tel 331 56 79 25 00 - Fax 331 42 12 99 38
infos@pavillon-monceau.com
www.pavillon-monceau.com



Հ.Ա.Ը.Մ.Ի ՍՈՒՐԻՈՅ ՇՐՋԱՆԻ ՆԵՐԿԱՅԱՑՈՒՑՉԱԿԱՆ 18ՐԴ ԺՈՂՈՎԸ

Րաֆֆի Սիլահեան ՀԱԼԷՊ

ՀՄԸՄ-ի Սուրբոյ շրջանի Ներկայացուցչական 18րդ ժողովը տեղի ունեցավ Կիրակի, 7 Նոյեմբեր 2010ին, «Արամ Մանուկեան» Ժողովրդային Տան «Անի» ճաշարահանոցում: Ժողովին պատուոյ հիւրը դարձավ Բերիոյ Հայոց Թեմի Առաջնորդ Շահան Եպս. Սարգիսեան: Ներկաներու շարքին էին ՀՄԸՄ-ի Կեդրոնական Վարչութեան ներկայացուցիչ եղբ. Միհրան Շիմշիրեան, Ազգային Քաղաքական Ժողովի անդամներ, Շրջանային Սկսուս. Խորհուրդի, Խմբապետութեան եւ մասնաճիւղերու ներկայացուցիչներ:

Ժողովը բացուեցաւ «Յառաջ նահատակ» քայլերգով: Ընթացաւարտ Շրջանային Վարչութեան ատենապետ եղբ. Րաֆֆի Տէր Աբրահամեան բարի գալուստի խօսքէ ետք ներկաները հրաւիրեց մէկ վայրկեան լուսնութեամբ յարգելու միութենէն յաւատարմութեան հին ու նոր ննջեցեալներու եւ ի մասնաւորի Շրջանային Վարչութեան նոր մահացած անդամ եղբ. Մկրտիչ Գրիգորեանի յիշատակը: Ապա, ան փոխանցեց Շրջանային Վարչութեան խօսքը:

Եղբայր ատենապետը իր խօսքը սկսաւ՝ ըսելով. «Ամենայն անկեղծութեամբ կու գամ յայտարարելու, որ ընթացաւարտ Շրջանային Վարչութիւնը իր կարելիութեան սահմաններուն մէջ աշխատեցաւ բժախնդրութեամբ. թէ որքանո՞վ յաջողեցաւ իր առաքելութեան մէջ, այդ մէկը դո՛ւք է որ պիտի արժեւորէք: Այսօր դուք կոչուած էք ՀՄԸՄ-ականի բարձր գի-

տակցութեամբ, ձեր շինիչ քննարկումներով ու առաջարկներով սատար կանգնիլ ժողովի յաջողութեան»:

Օրակարգին անցնելով, ժողովը իր դիւանը ընտրեց հետեւեալ ձեւով.՝ եղբ. Նշան Օղիկեան՝ ատենապետ, քոյրեր Ալին Գաբրիէլեան եւ Մարիա Գաբուշեան ատենադպրուհիներ: Այնուհետեւ, ընտրուեցան բանաձեւի, հաշուեքննիչ, քուէախոյզ եւ արխիւային յանձնախումբերու անդամները, որոնք ժողովի աւարտին ներկայացուցին իրենց զեկոյցները:

Ապա, ժողովը լսեց ներկայ մասնաճիւղերու գործունէութիւններու ամփոփ տեղեկագիրները, ուր մասնաճիւղերը ներկայացուցին իրենց կատարած աշխատանքները, ազգային եւ զանազան տօնական առիթներու մասնակցութիւնները: Տեղեկագիրները անդրադարձան նաեւ մասնաճիւղերու դիմազրաւած դժուարութիւններուն:

Կէսօրին, ժողովականները հիւընկալեցին Բերիոյ Հայոց Թեմի Առաջնորդ Շահան Եպս. Սարգիսեանը:

Սրբազան Հօր ներկայութեամբ, ընթացաւարտ Շրջանային Վարչութեան երկամեայ գործունէութեան նիւթաբարոյական տեղեկագիրը ընթերցեց քոյր Ալին Քիւրիւմլեան, որմէ ետք ժողովի ատենապետ եղբ. Նշան Օղիկեան հրաւիրեց Սրբազան Հայրը՝ փոխանցելու հայրական իր օրհնութիւնը:

Այս առթիւ իր արտասանած խօսքին մէջ, Առաջնորդը ըսաւ. «Աշխարհի տարածքին կը տեսնենք թէ գոյութիւն ունի քոյրերու եւ եղբայրներու հսկայ բանակ մը, որ դաստիարակուած է ՀՄԸՄ-ի գաղափարականով. ան իր ծառայութիւնը կը բերէ հայկական Սփիւռքի եւ Հայաստանի Հանրապետութեան տարածքին: Եւ դուք, որպէս ՀՄԸՄ-ական պատասխանատուներ, այսօր եկած էք քննարկելու կատարուած աշ-

խատանքները, արժեքները զանոնք եւ գալիք երկամեակին համար ճշդելու այն ուղեգիծը, որ կը հիմնուի Հ.Մ.Ը.Մ-ի գաղափարական սկզբունքներուն վրայ»:

Շարունակելով, Սրբազանը իր խօսքը փակեց ըսելով. «Հ.Մ.Ը.Մ-ի նշանին վրայ գետեղուած թեւերը, որոնց վրայ արձանագրուած է «Բարձրացիր-բարձրացուր» նշանաբանը, համահասար են: Բարձրանալ կը նշանակէ բարձրացնել, եւ բարձրանալ միայն բարձրացնելով: Բարձրանալ միայն բարձրացնելով կը նշանակէ անձ մը իր նմանին, իր քրոջ, իր եղբօր, գործընկերոջ նայի հաւասարութեամբ: Եւ Հ.Մ.Ը.Մ-ի գաղափարաբանութեան մէջ սահմանուած «Բարձրացիր-բարձրացուր» կը նշանակէ, թէ երբ պիտի բարձրանամ՝ ինձի հետ համահասար պիտի բարձրացնեմ եղբայրս»: Սրբազան Հայրը շնորհաւորեց Հ.Մ.Ը.Մ-ի 18րդ ներկայացուցչական ժողովը, մաղթելով անվախ, արի, առոյգ եւ ժողովուրդին ծառայելու գիտակցութեամբ նոր երկամեակ մը:

Յաջորդեց կարճ դադար մը, որմէ ետք ժողովականները ընթացաւարտ Շրջանային Վարչութեան տեղեկագիրին շուրջ քննարկում եւ լուսաբանական հարցումներ կատարեցին եւ Շրջանային Վարչութեան 2008-2010 երկամեակը «Յոյժ գնահատելի» նկատեցին: Ժողովը շարունակելով իր օրակարգի կէտերը, խօսեցաւ Հալէպի Հ.Մ.Ը.Մ-ի մարզաւանին մասին: Ներկայացուցեցաւ մինչեւ օրս կատարուած աշխատանքներուն ամփոփ տեղեկագրութիւնը եւ փոխանցուցաւ յառաջիկային տեղի ունենալիք շինարարական աշխատանքներուն ընդհանուր ընթացքը: Ժողովի ընթացքին «Մարգիկ» պարբերաթերթը նաեւ ունեցաւ իր յատուկ օրակարգը: Այլ կէտով մը, ժողովականները մասնաճիւղերու աշխատանքներն ու գործունէութիւնները աւելի յաջող ձեւով կատարելու համար ներկայացուցին իրենց առաջարկները:

Հուսկ, տեղի ունեցաւ 2010-2012 երկամեակի Հ.Մ.Ը.Մ-ի Սուրբիոյ նոր Շրջանային Վարչութեան ընտրութիւնը:

Ընտրութենէն ետք, Հ.Մ.Ը.Մ-ի Կեդրոնական Վարչութեան խօսքը փոխանցեց եղբ. Միհրան Շիմշիրեան: Ան իր խօսքը սկսաւ շնորհաւորելով Հ.Մ.Ը.Մ-ի նորընտիր Շրջանային Վարչութիւնը, ինչպէս նաեւ բարձր գնահատեց ընթացաւարտ Շրջանային Վարչութեան տարած աշխատանքները: Եղբ. Շիմշիրեան նորընտիր Շրջանային Վարչութեան յառաջիկայ աշխատանքներուն համար ըսաւ. «Նորընտիր Շրջանային Վարչութեան կը սպասէ հսկայ աշխատանք: Մեր միութեան նպատակը հիմնուած օրէն եղած է երիտասարդութիւնն ու պատանիները դաստիարակել հայեցի դաստիարակութեամբ, որուն միջոցը եղած է սկաւտութիւնն ու մարզանքը: Այսօր մենք յաւելեալ ճիգ պէտք է տրամադրենք, որպէսզի կարենանք պահել նոր սերունդը. հսկայ աշխատանք պէտք է տանինք պայքարելու համաշխարհայնացումի վտանգներուն դէմ»: Եղբ. Շիմշիրեան իր խօսքին աւարտին մաղթեց նորա-նոր յաջողութիւններ եւ յաղթանակներ:

Ժողովը փակուեցաւ «Յառաջ նահատակ» քայլերգով:

Ժողովին յաջորդեց նորընտիր Շրջանային Վարչութեան անդրանիկ նիստը, ներկայութեամբ Կեդրոնական Վարչութեան ներկայացուցիչ եղբօր եւ ժողովի դիւանին: Նորընտիր կազմը իր աշխատանքներուն բաժանումը կատարեց հետեւեալ ձեւով.- եղբ. Վիգէն Գապագեան՝ ատենապետ, քրոյ Ալին Քիւրիմլեան՝ ատենադպրուհի, եղբ. Արտօ Փայասեան՝ գանձապահ, եղբայրներ Լեւոն Իսկէնտէրեան, Յարութ Խաչատուրեան, Բաֆֆի Յակոբեան, Հարօ Տէիրմէնճեան, Յակոբ Պարսումեան եւ Սարգիս Պասմաճեան՝ խորհրդականներ:

ՄԿԱՌԻՏԱԿԱՆ ՓՈԽԱՆՑՄԱՆ ԱՐԱՐՈՂՈՒԹԻՒՆ ԵՒ ՎԿԱՅԱԿԱՆԱՑ ԲԱՇԽԱՄԱՆ ԴԱՇՏԱՀԱՆՊԷՍ ՀԱԼԷՊԻ ՄԷՉ

Բաֆֆի Սիւլահեան ՅԱԼԷՊ

Հ.Մ.Ը.Մ-ի Հալէպի մասնաճիւղի վարչութեան հովանաւորութեամբ եւ մասնաճիւղի ընկառուած Նորհուրդին եւ խմբապետութեան կազմակերպութեամբ, Կիրակի, 31 Հոկտեմբեր 2010ին, Հ.Մ.Ը.Մ-ի պարտէզի պասքէթի դաշտին մէջ տեղի ունեցաւ սկաւտական փոխանցման արարողութիւն եւ «Նորագիր» կարգի վկայականաց բաշխումի դաշտահանդէս:

Հանդիսութեան ներկայ գտնուեցան Հ.Մ.Ը.Մ-ի Սուրբիոյ





Շրջանային Սկաուտ-Նորհուրդի անդամներն ու խմբապետուհիները, Հայկական մասնաճյուղի վարչուհիներն ու Սկաուտ-Նորհուրդը, ինչպես նաև մեծ թիւով ծնողներ եւ Հ.Մ.-Ը.Մ.ականներ:

Հանդիսութիւնը բացուած յայտարարուեցաւ Սուրիոյ եւ Հայաստանի քայլերգներով, ապա բացման խօսքը կատարեց «Գրիգոր Յակոբեան» արի միաւորի փոխ խմբապետ եղբ. Մանօ Գալստիան:

Եղբայր բարի գալուստի խօսքերէ ետք ըսաւ, որ գայլիկներն ու արծուիկները իրենց փոքր տարիքին, ծնողներու քաջալերանքով կ'անդամակցին միութեան, ուր իրենց նմաններուն հետ խաղի կը տարուին ու կեանքի հորովոյթին հետ խաղէն կ'անցնին դաստիարակչական եւ սկաուտական աշխատանքներու: Օրեր, ամիսներ եւ տարիներ անցնելով, գայլիկը կը դառնայ արի, երէց, ապա՝ խմբապետ, անսակարկ ծառան դառնալով Հ.Մ.-Ը.Մ.ի նշանաբանին՝ «Բարձրացի՛ր-բարձրացու՛ր»ին:

Օրուան գեղարուեստական յայտագիրը սկսաւ «Շաւարշ Քրիսեան» գայլիկ եւ արծուիկ միաւորներու կողմէ պատրաստուած բացման արարողութեամբ, որուն յաջորդեցին արի միաւորի եղբայրներու ու թիմիկ եւ արենոյ միաւորի քոյրերու գլանով մարզանքները:

«Գրիգոր Յակոբեան» գայլիկ եւ արծուիկ միաւորներու քոյրերն ու եղբայրները ներկայացուցին սկաուտական բուրգ մը, ինչպէս նաև՝ հայկական զոյգ պարեր:

«Շաւարշ Քրիսեան» գայլիկ եւ արծուիկ միաւորներէն ութ քոյրեր եւ եղբայրներ ներկայացուցին Սիւլիլի «Հայ լեզուին» բանաստեղծութիւնը՝ խմբային ասմունքով մը, որմէ ետք «Գրիգոր Յակոբեան» միաւորի արի եւ արենոյ միաւորները ներկայացուցին սկաուտական կարգապահական վարժութիւն մը:

Գեղարուեստական յայտագրին եզրափակիչ մասը դարձաւ զաւեշտը, որուն նիւթը կը ներկայացնէր ծնողք-միութիւն յարաբերութիւնը:

Նախքան փոխանցման արարողութիւնը, Հ.Մ.-Ը.Մ.ի Հայկական մասնաճյուղի Սկաուտ-Նորհուրդի եւ խմբապետութեան խօսքը փոխանցեց մասնաճյուղի խմբապետ եղբ. Արուստ Դեղաբեան: Ան իր խօսքին մէջ անդրադարձաւ օրուան խորհուրդին՝ ըսելով.

«Այսօր մեր քոյրերն ու եղբայրները փորձեցին ձեզի ներկայացնել իրենց գործունէութիւններէն ծաղկեփունջ մը, որուն աւարտին ականատես պիտի դառնաք գայլիկ եւ արծուիկ միաւորներէն դէպի արիական եւ արենուչական շարքեր անցնողներու, ինչպէս նաև՝ արիական շարքերը ամբողջացնող եւ աստիճանաւոր դառնալու պատրաստուող քոյր-եղբայրներու խոստման արարողութեան: Զոյգ արարողութիւններուն մէջ հիմնական երեւոյթ է, որ մեր քոյրերն ու եղբայրները միշտ արձանագրած են վերելք, տարիներ շարունակ դաստիարակչական ծրագիրներուն եւ սկաուտական աշխատանքներուն մէջ յաջողած են թեւակոխել նոր հանգրուան»:

Եղբայրը իր խօսքին աւարտին անդրադարձաւ նաև ծը-





նողք-միութիւն համագործակցութեան անհրաժեշտութեան, որ կրկնակի պատասխանատուութեան առջեւ կը դնէ բոլորը:

Հասած էր օրուան ամէնէն խորհրդաւոր՝ փոխանցման արարողութեան պահը: Մասնաճիւղի խմբապետը հրաւիրեց Սկաուտ. Խորհուրդի ատենապետ եղբ. Բաֆֆի Փալանճեանը՝ հովանաւորելու համար փոխանցման եւ վկայականաց բաշխման արարողութիւնները:

Գայլիկ եւ արծուիկ չորս միաւորները անջատաբար շրջանակներ կազմելով կատարեցին իրենց վերջին մեծ կանչը, որ մէ ետք միաւորներու պատասխանատուներ՝ եղբ. Բաֆֆի Սիւրահեան («Գրիգոր Յակոբեան» գայլիկ), քոյր Սեւան Պազարճեան («Գրիգոր Յակոբեան» արծուիկ), եղբ. Ալեքսան Գուլումճեան («Շաւարշ Քրիսեան» գայլիկ) եւ քոյր Ֆլորա Փոստայեան («Շաւարշ Քրիսեան» արծուիկ) փոխանցեցին իրենց սրտի խօսքերն ու բարեմաղթութիւնները:

Գայլիկական խոստումը վերանորոգելէ ետք, շրջանակները բանալով, պարան ցատկելով գայլիկներն ու արծուիկները յառաջացան դէպի սկաուտական շարքեր, ուր դիմաւորուեցան սկաուտներու եւ պատասխանատուներու կողմէ: Իրենց կարգին, արիական շարքերը ամբողջացնող քոյրերն ու եղբայրները միացան աստիճանաւորական խումբին: Փոխանցման արարողութենէն ետք, քոյրերն ու եղբայրները յաջողութեամբ անցընելէ ետք Հ.Մ.Ը.Մ.ի «Նորագիր» կարգի քննութիւնը, կատարեցին սկաուտական խոստում եւ ստացան «Նորագիր» կարգի վկայական եւ սկաուտական փողկապ:



«Նորագիր» կարգի վկայական եւ սկաուտական փողկապ: Հանդիսութիւնը փակուեցաւ «Յառաջ նահատակ» քայլերգով:

Հ.Մ.Ը.Մ.Ի ԳԱՆԱՏԱՅԻ ՇՐՋԱՆԻ 40ՐԴ ՄԱՐԶԱԿԱՆ ԽԱՂԵՐԸ

Գրիգոր Դերձակեան ՄՈՆԹՐԵԱԼ

Ն ա խ ա ճ ե ո ն ու լ թ ե ա մ ք Հ.Մ.Ը.Մ.ի Գանատայի Շրջանային Վարչութեան եւ կազմակերպութեամբ «Հ.Մ.Ը.Մ.-կամբ» Մոնթրէալի մասնաճիւղի վարչութեան, շրջանի 40րդ մարզական խաղերը տեղի ունեցան Մոնթրէալի մէջ, 26-28 Նոյեմբերին եւ պսակուեցան աննախընթաց յաջողութեամբ: Խաղերը վայելեցին Գանատայի Հայոց Թեմի Առաջնորդ Խաժակ Արք. Յակոբեանի հովանաւորութիւնը:

Երեք օրերու վրայ երկարող այս խաղերուն մասնակցեցան աւելի քան 400

մարզիկներ՝ Հիւսիսային Ամերիկայի Արեւելեան Շրջանէն (Փրովիտորնս, Նիւ Եորք), Արեւմտեան Շրջանէն (Օրէնս Բաունթի) Գանատայի շրջանէն՝ Համիլթըն, Թորոնթօ, Գէմպրիս եւ անշուշտ Մոնթրէալի խումբերը:

Մրցաշարքի չորս մարզախաղերն էին պասքեթպոլ (13 խումբ), Ֆլոր հաքի (4 խումբ), Ֆոլթպոլ (19 խումբ) եւ փինկ-փոնկ (3 խումբ):

Խաղերը տեղի ունեցան Լաւալի «Multisport», Մոնթրէալի «Vanier College»-ի եւ Ս. Յակոբ Ազգ. Վարժարանի «Հաճէթեան» մարզադաշտերուն մէջ:

Խաղերուն առաջին օրը, երեկոյեան, մարզիկները խանդավառ մթնոլորտի մէջ հաւաքուեցան «Moomba» ճաշարանը եւ միասնաբար անցուցին հաճելի ե-

րեկոյ մը:

Յաջորդ օրը, երեկոյեան, տեղի ունեցաւ պաշտօնական պարահանդէսը՝ Լաւալի «Palace» հիւրասրահէն ներս, ուր աւելի քան 1100 Հ.Մ.Ը.Մ.ական քոյրեր, եղբայրներ եւ համակիրներ իրենց ներկայութեամբ եկան փաստելու Հ.Մ.Ը.Մ.ի մեծ ընտանիքին կարեւորութիւնը: Կարժէ յիշել, որ այս աննախընթաց պարահանդէսին տոմսերը արդէն սպառած էին թուականէն ամիս մը առաջ: Ժողովրդային երգիչ Փօլ Պաղտատեան իր երգերով ներկաներուն ընծայեց անմոռանալի գիշեր մը:

Կիրակի առաւօտեան, աւարտական վերջին խաղերուն զուգահեռ, տեղի ունեցաւ պաշտօնական ընդունելութիւնքօթէյլ մը՝ ի պատիւ շրջաններու եւ մասնաճիւղերու ներկայացուցիչնե-



Քոյր Սոսի Տայեան



Եղբ. Մոսիկ Թոփուլզեան



Եղբ. Արմէն Կետիկեան

րուն, ներկայութեամբ Ժանի Ֆուրնիէի (Քէպէքի արդարութեան նախարար եւ երեսփոխան), Սթեֆան Տիոնի (դաշնակցային ազատական երեսփոխան), Ալէն Սուզայի (Սէն Լորէնի քաղաքապետ), Յարութ Շիթիկեանի (Պորտո-Փարիէի վիլի քաղաքապետական խորհրդական): Ներկայ էին նաեւ քաղաքագէտ Նուշիկ էլոյեան եւ սկաուտական պաշտօնական ղեկավար, ինչպէս նաեւ՝ Մոնթրէալի Հայ Դատի յանձնախումբի ներկայացուցիչներ: Հ.Մ.Ը.Մ-ի Կեդրոնական եւ Շրջանային Վարչութեան անդամներու կողքին ներկայ էին նաեւ Կեդրոնական եւ Շրջանային Վարչութիւններու նախկին անդամներ, ինչպէս նաեւ քոյր

միութիւններու եւ կազմակերպութիւններու ներկայացուցիչներ: Կիրակի, 28 Նոյեմբերի կէսօրին, տեղի ունեցաւ խաղերու փակման հանդիսութիւնը «Հաճէթեան» մարզադաշտին մէջ: Մոնթրէալի մասնաճիւղի սկաուտական կազմերէն ետք, դաշտ մուտք գործեցին բոլոր մարզիկները, հարիւրաւոր համակիրներու ներկայութեամբ: Ամերիկեան, գանատական եւ հայկական քայլերգները կատարեց եղբ. Սեւան Աբանեան: Ապա, խօսքեր արտասանեցին քոյր Սոսի Տայեան («Հ.Մ.Ը.Մ. Կամբ»ի Մոնթրէալի մասնաճիւղի ատենապետուհի), եղբ. Մոսիկ Թոփուլզեան

եան (Շրջանային Վարչութեան ատենապետ) եւ եղբ. Արմէն Կետիկեան (Հ.Մ.Ը.Մ-ի Կեդրոնական Վարչութեան ներկայացուցիչ): Այս առիթով մասնաւոր պատիւ արժանացաւ Մոնթրէալի մասնաճիւղէն եղբ. Տիգրան Մեղքոնեան, միութենական իր երկարամեայ ծառայութեան եւ մանաւանդ՝ շրջանի խաղերուն բերած իր նպաստին համար: Եղբ. Մեղքոնեանին յանձնուեցաւ երախտագիտական յատուկ յուշատախտակ մը, ձեռամբ եղբ. Մոսիկ Թոփուլզեանի: Համազգայինի «Անի» պարախումբը ներկայացուց հայկական երկու պար՝ ի մեծ խանդավառութիւն ներկաներուն: Հուսկ, տեղի ունեցաւ յաղթական, առաջին եւ երկրորդ դիրքերու արժանացած խումբերու բաժակներու եւ մետալներու տուչութիւնը: Հ.Մ.Ը.Մ-ի Գանատայի շրջանի 40րդ մարզական խաղերու յաջողութեամբ պսակումը անգամ մը եւս կը փաստէ, որ մարզիկ, սկաուտ, մարզիչ, վարիչ թէ համակիր՝ բոլորս կը ձգտինք բարձր պահել մեր միութենական սկզբունքներն ու ոգին, հայրենի ապրելու եւ հայկականութեամբ դաստիարակելու ապագայ սերունդը եւ մանաւանդ ի գործ դնելու մեր նշանաբանը՝ «Բարձրացի՛ր բարձրացու՛ր»ը:



ՄԱՐԶԿԱՆ ԽԱՂԵՐՈՒ ԱՐԴԻՒՆՔՆԵՐԸ



ՓԻՆԿ-ՓՈՆԿ

1. Հայկ խուպեաէրեան
2. Կարպիս Կարապետեան

ՃԼՈՐ ՀԱՔԻ

Կրտսեր տղաք

1. Մոնթրէալ
2. Թորոնթօ

Երէջ տղաք

1. Մոնթրէալ
2. Թորոնթօ

ՖՈՒԹՊՈՒԼ

Վեթերան տղաք

1. Մոնթրէալ
2. Գէմպրիճ

Երէջ տղաք

1. Թորոնթօ
2. Մոնթրէալ

Կրտսեր տղաք

1. Մոնթրէալ (2)
2. Մոնթրէալ (1)

Մ9 ֆոքր տղաք

1. Մոնթրէալ
2. Գէմպրիճ

Մ12 ֆոքր տղաք

1. Գէմպրիճ
2. Թորոնթօ

Երէջ աղջիկներ

1. Մոնթրէալ

2. Թորոնթօ

ՊԱՔԵԹՊՈՒԼ

Վեթերան տղաք

1. Համիլթըն
2. Մոնթրէալ

Երէջ տղաք

1. Օրէնճ Քաունթի
2. Փրովիտըն

Կրտսեր տղաք

1. Թորոնթօ
2. Նիւ Եորք

Փոքր տղաք

1. Մոնթրէալ
2. Թորոնթօ

ՀԱՅ ՄԱՐՄՆԱԿՐԹԱԿԱՆ ԸՆԴՀԱՆՈՒՐ ...

(Շարունակուած 15րդ էջէն)

«Միրելի աշխատակից եղբայրներ, ես իմ խորին շնորհակալութիւններս կը յայտնեմ ձեզի, որ տարի մը ամբողջ գոհաբերուելով ոգի ի բռին աշխատեցաք բարձրացնելու մեզի վստահուած այս միութիւնը: Մենք գոհ եւ ուրախ տրամադրութեամբ կը լրացնենք մեր գործը եւ կը յուսանք որ յաջորդող վարչութիւնը ա՛լ աւելի գիտակից եւ անձնուէր պիտի աշխատի քալել եւ յարատեւել Հ.Մ.Ը.Մ-ի դրօշակին ցոյց տուած ուղիով»:

Օգոստոս Ցին գումարուած ընդհանուր անդամական ժողովէն ընտրուած չորս հոգին, իրենց բանաւոր պատճառներով կը հրաժարին, որով հարկ կը տեսնուի 22 Օգոստոս 1927ին, կրկնել ընդհանուր անդամական ժողովը, որմէ կ'ընտրուին Լուսեր Մասպանաճեան, Կոպեռնիկ Մանսուրեան, Միհրան Կարապետեան, Զարեհ Պատիկեան, Փիլիպոս Դերձակեան, Կարապետ Փօլատեան եւ Մաթոս Մանուկեան:

Նոր վարչութիւնը եռանդաբեր գործի ձեռնարկելով, կը հետեւի Հ.Մ.Ը.Մ-ի գոյութիւնը արդարացնող բոլոր ճիւղերուն եւ ենթամարմիններուն աշխատանքներուն: Սկստուած եւ ֆութպոլի յանձնախումբերը կը վերահաստատուի:

(Շար. 21)

ՍՏԱՑԱՆՔ

«ՓԹԻԹ»

Մ ա ն կ ա պ ա տ ա ն ե կ ա ն
պարբերաթերթ, թիւ 0 եւ թիւ 1:

Խմբագրական կազմ՝ Վեր-
ժին եւ Կարօ Աբրահամ-
եաններ:

**Պատրաստե՛ց՝
Շաղիկ Գեորգեան
ՊԵՅՐՈՒԹ**

Երբեմն շատեր կ'ըսեն, թէ Կաղանդ Պապա չկայ, եւ անիկա յօրինուած կերպար է: Բայց ատիկա ճիշդ չէ: Կաղանդ Պապան իրականին մէջ գոյութիւն ունի եւ անիկա պատմական անձ մըն է: Ան ապրած է չորրորդ դարուն եւ կոչուած է Նիկողայոս Հրաշագործ: Իր ժամանակին, ան Փոքր Ասիոյ մէջ հրաշքներ գործած է: Զայն կոչած են Սուրբ Նիկողայոս:

Ժամանակի ընթացքին, այս մարդուն անուան շուրջ կը սկսին հիւսուելի առասպելներ եւ կախարդական հէքիաթներ, որոնց իբրեւ արդիւնք կը ծնի բարի պապուկի կերպարը, որ կ'ուրախացնէ եւ նուէրներ կը բաժնէ փոքրիկներուն:

Հայր-ձիւն, Շէն Տան Լաոթէն, Սանթա Քլաուս, Փափա Նոէլ, Միկալաուս, Եոուլուբուկի, Կաղանդ Պապա-ասա անոր բազմաթիւ անուններէն փոքր մաս մը միայն... :

Լապլանտիոյ մէջ Կաղանդ Պապան բնակութիւն հաստատած է արդէն քանի մը հարիւր տարի առաջ: Հոն ե՛ւ ձմեռ կայ, ե՛ւ գարուն, ե՛ւ ամառ, ե՛ւ աշուն: Բայց կայ



**Ո՞Վ է
ԿԱՂԱՆԴ ՊԱՊԱՆ**

նաեւ չափազանց խորհրդաւոր եղանակ մը, որ կը սկսի Դեկտեմբեր եւ Յունուար ամիսներու ընթացքին: Այս եղանակը ընդունուած է անուանել Կաամոս, անիկա յաւերժական գիշերուան արքայութիւնն է: Լապլանտիոյ բնութիւնը վայրի է, բայց միեւնոյն ժամանակ շատ բարեհամբոյր, ձիւնի շրջուցիչ ճերմակութիւն, հիւսիսափայլի անկրկնելի գեղեցկութիւն ունեցող առկայծումներ: Ահա այս հէքիաթային աշխարհին մէջ կ'ապրի Կաղանդ Պապան:





ՏՕՆԱԾԱՌԻՆ ՊԱՏՄՈՒԹԻՒՆԸ

Երոպայի մէջ, նախքան սոնածառի գործածութիւնը, Նոր Տարուան նախօրեակին կը զարդարէին բուրգի նման շինուած տուփիկներ, բուսականութեամբ եւ այլ պաճուճանքներով: Բուրգին հարթակներուն վրայ մարդիկ կը դասաւորէին նուէրներ եւ քաղցրաւենիք: Մինչեւ սոնածառի գործածութիւնը, բուրգը Գերմանիոյ եւ հիւսիսային Եւրոպայի մէջ կը նկատուէր Մննդեան տօներու գլխաւոր խորհրդանիշն ու զարդարանքը:

Տօնածառի մասին առաջին գրաւոր տեղեկութեան կը հանդիպինք 16րդ դարուն: Այսպէս, 1561 թուականին գրուած գերմանական արքիւրներու մէջ կ'ըսուի, թէ Մննդեան տօնի ժամանակ տան մէջ պէտք է ըլլայ նուագադոյնը սօնածառ մը:

17րդ դարուն, սօնածառը արդէն Մննդեան տօներու համատարած խորհրդանիշն էր Գերմանիոյ եւ սկանտինաւեան երկիրներու մէջ: Չայն Ամերիկա տարած են գերմանացիները եւ անկախութեան համար մղուող պատերազմին մասնակից վարձկանները: Գերմանիոյ մէջ սօնածառը կը զարդարէին տարբեր արձանիկներով, գունաւոր թուղթերէ կտրատուած ծաղիկներով, խնձորներով, քաղցրեղէնով եւ այլն:


Ընդհանրապէս, սօնածառը զարդարելու աւանդութիւնը կապուած է խնձորներով ծանրաբեռնուած դրախտային ծառի պատմութեան հետ: Առաջին անգամ Մարթին Լուտերը մտայղացած է մօմեր վառել սօնածառին վրայ, իսկ զանոնք ելեկտրական լոյսերով փոխարինելու գաղափարը կը պատկանի անգլիացի հեռախօսավար Ռալֆ Մորիսին: Փողոցներու մէջ առաջին անգամ սօնածառ զարդարուած է Ֆինլանտայի մէջ, 1906 թուականին:



Քանի որ առաջին սօնածառները զարդարուած են թարմ ծաղիկներով եւ միրգերով, իսկ յետոյ նաեւ՝ քաղցրեղէնով, ընկոյզով եւ մօմերով, բնականաբար ատիկա բաւական ծանր եղած է սովորական ծառի մը համար: Այդ պատճառով գերմանացի ապակեգործները սկսած են արտադրել ապակեայ խաղալիքներ, որ պէսզի փոխարինեն սօնածառին բնական զարդարանքները:



Տարբեր Հայեացքով



Էլի Հուլիշեան

ՍՈՏՈՒՔՈՒ

	5			2			8	
1	2		9		3		4	7
		9		4		2		
	7		8	6				3
3		8				6		9
	4			9	1			2
		1		5		3		
8	6		2		4		9	5
	3			1				7

Հորիզոնական եւ ուղղահայեաց 9 շարքերով եւ սիւնակներով (9x9) կազմուած գծացանցը բաղկացած է իւրաքանչիւրը 9 քառակուսի հաշուող 9 բաժիններէ (3x3): Բացառումի սկզբունքին կիրարկումով իւրաքանչիւր քառակուսիի մէջ թուանշան մը գետեղել՝ այնպէս մը, որ հորիզոնական իւրաքանչիւր շարք, ուղղահայեաց իւրաքանչիւր սիւնակ եւ 9 քառակուսիսնոց իւրաքանչիւր բաժին ունենայ 1-9 թուանշանները՝ իւրաքանչիւր թուանշան միայն մէկ անգամ գործածուելու պայմանով: Այլ խօսքով, ոչ մէկ պարագայի արտօնուած է թուանշան մը կրկնել միեւնոյն շարքին, սիւնակին եւ բաժինին մէջ: Սկսելու համար, կարգ մը թուանշաններ իրենց ճշգրիտ քառակուսիներուն մէջ գետեղուած են:


Նախորդին լուծումը

6	2	3	9	8	4	5	1	7
4	9	5	1	3	7	2	8	6
1	8	7	6	2	5	3	9	4
2	5	4	8	9	1	6	7	3
8	7	6	3	4	2	9	5	1
3	1	9	7	5	6	8	4	2
7	4	2	5	6	9	1	3	8
5	3	1	2	7	8	4	6	9
9	6	8	4	1	3	7	2	5

Պատասխանը՝ յաջորդիւ

ՀՈՐԻՉՈՆԱԿԱՆ

- «Ֆորմիլա 1»ի գերմանացի մրցավարորդ:
- Արաբական մայրաքաղաք - Ասեղնակարով լեցուած կտաւ - Անհատ:
- Կանթեղ - Օդի խառնակուժիւն - Յուցական ածական:
- Ուտեստեղէն ծախող:
- Ծուռ - Ձեռքի մաս - Ասպականի:
- Յատկութիւն - Իշխանութենէ հեռացնեն:
- Անգուման, անակնկալ - Անտերունչ:
- Կրկնուած բաղաձայններ - Անսահման:
- Շաղկապ - Ջերմոց, բուսարան:
- Այբուբենէն - Արգելական - Ստորին:
- Իւրացու՛ւր - Քի Մունի նախորդը:
- Արաբական ոստան - Արական օտար անուն - Կրկին:
- Յորդանոս - Կիներ:
- Անգլիացի ֆուտպոլիստ:
- 1955ի լաւագոյն ֆիլմի Օսքարին արժանացած ժապաւէնը - Չայնանիչ - Հեկեկան:
- Տառի մը դրացիները - Յեսանել - Եռանդ:
- Սողոմի բախտակից քաղաքներէն - Իգական օտար անուն - Սարսափ:
- Թուրքիոյ քաղաքներէն (հակ.) - Յովհաննէս Շիրազի երկերէն:
- Ատեան - Բերան փոթոթող համ:
- Հրապարակաւ - Խուզարկու - Յուրտ կլիմաներու գազան:



ՈՒՂՂԱՀԱՅԵԱՑ

- Ս. Փարաճանովի ֆիլմերէն - Ածականակերտ մասնիկ - Արաբական մայրաքաղաք:
- Կրկնուած ձայնաւորներ - Ճոպան - Յուզուած - Անդադար:
- Հայաստանի քաղաքներէն - Չայնակից գիրեր - Մունջ - Չայնանիչ:
- Խորթ - Փայտփոր թռչուն - Ռուս թենիսիստ:
- Ախորժ - Իրլանտայի նախկին անուանումը:
- Աւազան - Կատուագզի գազան - Իշխանութիւն - Լծորդութիւն:
- Սաստիկ սիրահարած - Պատահելիք:
- Թղթախաղ մը - Յօժար - Ասիական ոստան - Այբուբենէն:
- Խոհանոցի սպասներէն - Իգական օտար անուն - Տաղումի հետք:
- Այբուբենէն - Սամիթ, համեմային տունկ - Ափրիկեան երկիր - Տառի մը անունը:
- Թաղման կարգ - Նմանաձայն գիրեր - Ամբողջական հաց - Իշուկ:
- Զուարճախօս - Յարատեւ, շարունակ:
- Փրկագործ - Անձնական դերանուն - Ռուսերէն՝ այո՛:
- Լիբանանեան արաբատառ օրաթերթ - Էական բայ - Ստացական ածական:
- Բորբոսիլ - Իրերայաջորդ տառեր:

ԹԻՒ 187 ԽԱՉԲԱՌԻՆ ԼՈՒՐՈՒՄ

1	Ֆ	Ե	Լ	Ի	Փ	Է	Մ	Ա	Ս	Ս	Ա								
2	Հ	Ի	Լ	Ի	Ս	Ջ	Ա	Հ	Ե	Ր	Ք								
3	Ա	Լ	Ա	Ջ	Ա	Ն	Մ	Ա	Ր	Ա	Լ								
4	Մ	Ա	Ր	Ա															
5	Պ	Ա	Ր	Ա	Տ	Ա													
6	Ա	Կ	Կ	Ե	Ն	Տ													
7	Ա	Ն	Ի	Լ	Ի	Ի	Վ	Ա	Գ	Ա	Գ								
8	Ս	Ա	Լ	Ի	Տ	Ա	Կ	Ա	Ր	Ե	Կ	Ի	Ց						
9																			
10																			
11	Ռ																		
12	Ո	Ք																	
13	Ն	Ա	Ջ	Ա	Ր														
14	Ա	Մ	Ա	Ն	Ս	Ա	Մ	Ի	Մ	Ս	Ք	Է							
15	Ո	Ց	Լ	Ի	Ի	Ն	Ջ	Ի	Ն	Ո	Ի	Ո	Ր						
16	Ո	Ս	Տ	Լ	Ի	Բ	Ա	Ն	Ա	Ն	Ց	Ի							
17	Կ	Ն	Ի	Տ	Ա	Լ	Տ	Ս	Ք	Ա	Ր								
18	Ի	Մ	Ա	Ն	Ա	Լ	Շ	Ա	Ե	Ե									
19	Մ	Ա	Ր	Ի	Ր	Ց	Ա	Ն	Կ	Ա	Ր	Կ	Ի						
20	Կ	Հ	Օ	Ր	Ի	Շ	Ի	Կ	Ն	Ի	Լ	Ջ							



Studio Sunset



Studio Sunset



Studio Sunset

ՀԱՆՐԱՆԻ ԼԻԲԱՆԱՆԻ ՖՈՒԹՅՈՒԼԻ ԴՊՐՈՑԻ ԿՈՒՄԱՐԸ



Studio Sunset

